

四百三十一至四



文苑英華卷第四百三十一

翰林制詔十二

赦書十二

平亂赦書

赦詔



沈約



門下朕肅纂執統思紅祖業方欲克廣法猷寧濟遐
 邇寔賴賢才共康世務至於股肱宗戚情委特隆垂
 挾責成緝熙是寄而各包藏禍心規縱醜逆朕每從
 容隱冀容或能悛而靡懲前慮弭結後釁七百業艱
 宗廟事重不得不垂涕行戮以義斷恩或藩屬皇宗
 或睦姻近戚夫豈不懷社稷故也雖四門已穆羣凶
 靡餘而泣辜之歎義兼自昔方勵精思治登賢任官
 隆平之化庶從茲始宜播嘉惠咸與惟新可大赦天

下自今月二十日昧爽已前謀反大逆手殺人以下
皆赦除之頃歲軍旅繁興叛征者衆其質繫家屬及
同五代役三署見徒詳所尤疑原遣主者施行

大赦詔

門下王室夕難侵冷相仍茸歲紛阻鋒爰九達今茲
狂獮兵連萬雉時事屯厄罕有斯逆故今迷疑互起
向背者多元元惡既懸猜懼弭廣奔亡草澤自反莫
因近雖曲赦與之更始而愚昧之徒猶多竄伏且遇
寇未夷役連遐邇刑政施張陷罪非一思所以曠敷
嘉惠被之億兆可大赦天下凡與崔惠南史作慧景
協氣同謀有為奸逆爰及降叛輸力盡勸良由世道
交喪流源浸遠風槩靡立以至于斯悉皆盪滌一無

所問凡與諸反例

擬作側

咸與惟新並加宣慰還復民

伍國信之明皎如日月榜勸幾要咸使聞知惟崔惠
景諸子不在赦例主者施行

誅張易之等赦文

鸞臺多難興邦殷憂啓聖蕭牆之禍自古有之朕以
虛寡宿承先顧社稷宗廟寄在朕躬親理萬幾年踰
二紀幸得九玄垂祐四海乂安何嘗不日肝忘食夜
分輟寢戰戰而臨寶位乾乾而握聖圖憂百姓之不
寧懼一物之失所但以久親庶政勤倦成勞頃日以
來微加風疹逆豎張易之昌宗兄弟此緣薄解調鍊
久而園苑驅馳錫以殊恩加其頭秩不謂豺狼之性
潛起梟獍之心積日包藏一朝發露皇太子頭元良

守器純孝奉親知北疊萌奔衛宸極與北軍諸將戮力齊心勦撲兇渠咸就梟斬斯乃天地之大德幽明所叶贊者乎豈朕躬之幸抑兆庶之福朕方資藥餌冀保全和機務既繁有總捫理監撫之寄屬在元良宜令皇太子顯監國百官總已以听朕當養閑高枕庶獲延齡可大赦天下

准西平赦文

玉堂遺範

朕聞王者法天作則與衆守邦奉三無私居兆人上當恭已嚮方除功臨深馭朽之懷憂勤靡遑古今何遠所重者兵革不試軌度自貞熙仁扇和以至大道朕顧惟菲德祇奉圖承皇天之眷命績列聖之丕績具食以來至理虚心而俟昌言兢兢業業常懼失

墜迄今十有四年矣道且希於廣運意常在于包荒推誠則深感物亦至頃歲蜀川浙右怙亂阻兵人神共誅剪滅相次務漸偃革期于措刑方蕭斧以懲奸庶干羽以成化而淮蔡寇孽稔禍迎災問罪興師蓋非獲已每念征行之暴露軫饋給之煩勞中宥惕然載益祇厲妖兇既殄黎庶用康斯則宗社垂休中外協力將勤恤于下土冀昭格于上玄茲朕所以思與群公卿士勵精於庶政也今屬獻歲發春接時惟敬勾萌盡遠幽蟄咸蘇微纒可矜鰥惇在念俾踈網之是決與慶澤而惟新可大赦天下

平朱泚後車駕還京大赦制

門下致理之體先德後刑禮義興行故人知恥格教

令明當則俗致和平然後奸慝不萌暴亂不作古先哲後莫不集何由斯國家受命百七十載八聖垂慶

敷祐下人邁種寬大之德累蠲苛酷之令蓋仁之所積者厚故澤之所流者深茲予小子獲主重器情于

理亂之本溺于因習之安授任不明嘗罰乖當立法以齊衆而犯命愈甚興戎以除害而長亂益繁賊臣

蓄奸乘釁竊發九廟之主集作兆人靡依猥偷肆其吞噬豺狼穴于宮闕歲未云半載罹播遷仰慙穹昊

俯愧臣庶敢愛殞越苟全眇躬集作誠懼益縱寇讐重辱社稷集作忍恥誓志庶補前羞賴億兆宅心不

忘先德將帥戮力恭行天罰集作俾余寡昧再膺多祐總詔令乾綱於既墜復天柱於將傾言旋鎬京不

改舊物宗祧有集作序朝享有經集作責重憂深彌

增感暢嗚呼君者所以撫人也君苟失位人將安仰朕既不德致寇與禍使生靈無告受制兇徒苟全性命急何能擇或虧廢名節或貪冒禍利陷於集作法

網事匪一端究其所由自我而致不能撫之以道乃欲繩之以刑豈所謂恤人罪已之誠含垢布和之義

滌清汚俗咸與惟新可大赦天下自興元元年七月二十三日集作日昧爽已前大辟罪已下已發覺未

發覺已結正未結正見繫囚徒常赦所不原者咸赦除之今年五月二十八日已前左降官即與量移已

經量移未復資者更移近處流人及配隸罰鎮效役集作並集放還亡官夫爵放歸不集作齒者量加收

力集作

序已經收序未復資者更與進改其黜免人等有素

著行能傍連集作譴累特加錄用勿以為負不有忠

者誰復社稷不有勞者誰從巡狩連帥之重所以殿

邦禦侮也二千石之任所以分憂共理也方鎮將校

勤奉戎役中外寮吏恪居官次國有大慶所宜同之

內外文武父致仕官三品以上賜爵一級四品以上

集作一品楷級並賜勳兩轉司徒兼中書令晟膺時

傑立光輔中興再定皇都一匡天下推恩之典貽慶

無窮宜與一子五品正員京官侍中城沈邃集作忠

厚服勞王家保全危城剪除大慝嘉乃茂績次于寵

章宜與一子六品正員京官鎮國軍潼關鄴度使檢

校右僕射駱元光京畿渭南商州鄴度使檢校右僕

射尚可孤邠寧等州鄴度使檢校左僕射韓遊環奉

天行營諸軍鄴度使檢校右僕射戴休顏威秉大鄴

著于艱難同勳叶忠翼我興運宜各與一子七品正

正負官諸道鄴度使夕行在集作都知兵馬使虞候

與元扈縱左右金吾大將軍等各與一子八品正負

官諸道諸團練觀察處置等使各與一子官應諸軍

赴役上都收復將士等俱以忠誠集作奮其勇鄴連

年帶甲百戰摧鋒有忘身以効命有滅族集作以狗

義誓平國難如復私讐競魏武之雄克清梟獍之孽

策勲行賞傳嗣榮親播乃功名與國終始自去冬已

來未經甄叙者即與超八資改轉已經甄叙者更與

超三資進改三品已上祖父母在先無官封官量與

詔令授致仕官及邑號亡者並與追贈四品已下父母
在先無官封者亦授致仕官父邑號亡者亦與追贈
其賞錢委所司即依無勅支給應扈從將士三品已
上賜爵兩級四品已下各加兩階仍並賜勳三轉其
祖父母父母官封追贈及支給賞錢並準收京城將
士例處分應扈從官普恩之外三品已上更賜爵一
級四品已下更加一階若常參官祖父母父母先
無官封者量授致仕官父邑號亡者並與追贈諸州
刺史普恩外賜爵一級諸道進表官倍位者更加一
階其奉天定難及元從功臣宜令本軍本使即定名
聞奏所司各準元勅優賞其諸道鎮國軍及行營將
士三品已上賜爵一級四品已下加一階仍準今年

正月一日制連與甄叙成德淄青魏博等道節度使
下并諸道諸軍應歸順將士等各蘊誠義積著功德
勞由朕失於撫綏頃歲暫懷疑阻尋能勵節不替舊
勳是資宴犒俾洽王澤宜委所司即約額支計各賜
錢物賞設仍委本道節度準前後勅逐條流甄叙其
朔方并諸軍應在河中管內及同州將士等自遠赴
難解其重圍念茲功勞並未酬報雖遭脅制情有可
矜應到行營未經甄叙者並準元勅超五資改轉其
賞錢比收京將士例各給一半委本軍兵馬使逐條
錄名銜聞奏所司即支計給付其食實封者亦便配
額令其請受應天下諸道諸軍詔令作州府將士如有年
及疾患風弱不任軍旅願歸鄉里者並給身券詔令作終身

優復州縣切加安存

集作存恤

勿令侵擾如無家業可歸

者量田給宅使得存

集作全

濟見危致命先典所尚况

忠衛社稷殺身成功朕于斯人義有加等贈太尉秀

實天授貞烈沮此奸邪倉卒集作難之中獨蘊雄集作

斷將紆國難詭收寇兵兇謀既隳吾事果濟忠誠奮

發手擊渠魁英風凜然振邁千古宜集作差官致祭並

旌表門閭府縣護其襄事緣葬所要一切官供仍於

墓所官為立碑以揚徽烈其所賜實封五百戶嫡子

授正員三品官諸子各授正員五品官委中書門下

即準元勅處分應諸道諸軍將士有身死王事者委

本道使具各銜聞奏即與褒贈仍以在身官爵授其

子孫内外文武官及諸色人等有橫遭逆賊殺害者

各聽其家及親識集作戚於所司陳牒勘會聞奏亦與

追贈如跡著忠烈眾所聞知仍訪其子孫量加優恤

尚齒養老王風之首三代制理未之或遺朕將遵古

典以興化本人心而教孝用優秩賜式慰問里京兆

府耆艾年八十已上並與牒授刺史仍賜紫衣七十

已上及諸州府迎駕耆艾亦各牒授本縣令仍賜緋

天下侍老者壽等亦各與牒授本官如年九十已上

者州縣長吏歲時躬親省問貧弱不能自存者量賜

粟帛頃屬多難人俗流弊加之以師旅因之以凶集作

饑賦役繁起農桑失時哀我瘁人訖可小息然以國

計猶歉軍實未集作充未盡復除良增集作愧悼應

天下逮中四年年終已前所有諸色逋次在百姓腹

內者一切放免百司及諸軍諸使舉放利錢今年六月已前百姓欠負未納者亦並停徵京兆府百姓普恩之外給復一年其供頓官吏委京兆尹類例具名銜聞奏量與優獎集作賞古者計戶以署吏因時而建戢既不乏事集作堞亦無冗負今田畝汙萊版圖集作圖凋耗齊人編戶託庇官曹貪吏黠胥誘為蠹集作囊奸墮業集作隳為害尤深應在京百司色役人及流外等委御史大夫即與諸司官長吏集作使審議據見所長事之閑據定額聞奏仍挾名送中書門下務從省副朕憂人以後應須署置並定名先奏仍永為恒式今年正月一日赦書事集作諭目有所未行者所司並舉而行之赦書或有不該即比類條件聞奏敢以

赦前事相告言者以其罪之亡命山澤挾藏兵器百
日不首復罪如初赦書日行五百里而告遐迩咸使
聞知吳元元年七月二十三日

文苑英華卷第四百三十二

翰林制詔十三

赦書十三

立太子赦書

立太子赦書詔

沈約

門下朕夙纘璿祚君臨四方夕惕寅畏若冥淵谷思所以光闡洪基克隆鼎命王公卿士咸以為樹元立嫡有邦所先守器傳統于斯為重是用俾茲幼蒙休乾作貳永固宗祀以貞萬國元良之寄非獨在余宜令嘉慶被之億兆可大赦天下賜民為父後者爵一級主者速施行

冊太子禮畢赦文

門下朕丕承寶圖撫有方夏夙夜寅畏不敢遑

兼集作

寧永惟祖宗之洪業歷考皇王之令典思所以垂統
立極事神保人推明至公安固大本尊祖祧而生也
也嚴杜祿而奉粢盛俾開春闈乃命元子斯古今之
通誼也皇太子寧清淨一作明体仁莊敬好礼服典謨
之訓一君親之誠允諧詢謀用建儲貳爰以吉日冊
于明庭鼓鍾載和文物大備盛礼云畢慶感良深是
宜布澤申恩自中達外厥有前躅舉而行之可大赦
天下自元和四年十月十日昧爽已前天下應犯死
罪非殺人者降從流罪以下遞減一等左降官未經
量移者與量移文武常參官及諸州府長官子為父
役者賜勳兩轉應緣冊礼行事官賜階及勳爵有差
鄧王府官量與進改夫輔翼元良教諭成德使目睹

正事耳聞正言刑于施為漸于心術非齊莊忠慤之
士不在此選工部侍郎歸登給事中呂元膺並踐履
端方行義脩潔通于經訓而得其要達于教化而蹈
其中侍講承華師範盤石訪乃公議副于精求並可
克皇太子諸王侍讀登宜加一階元應宜賜紫金魚
袋天下孝子順孫先旌表閭門者委所管州縣各加
存恤五嶽四瀆名山大川委所在長吏量加祭祀

冊太子禮畢赦文

一作皆唐大詔令

門下主者司牧黎元紹膺統緒新建儲貳以貞萬邦
故春秋垂豕祀之文易象著震方之位朕屬承景運
嗣守丕圖稽前王之令謨奉列聖之彛訓上以嚴宗
祧之顧下以繫億兆之心無疆之休用崇主鬯祗恪

成憲敢怠于懷皇太子恒忠孝温文率義由礼寬粹
 莊重自誠而明慶靈所積姿器夙茂能辨南陽之牘
 允符東海之貴承華載啓命以居之撰吉辰儀神人
 允洽舉是典冊授之軒墀百辟在庭四方來賀以言
 承序所感則深永惟国詔令本為慶滋太宜弘欽恤
 之令亦覃命賜之恩與衆共之無遠不被可大赦天
 下自元和七年十月七日昧爽已前天下應犯死罪
 非殺人者遞減一等左降官流入並與量移如因流
 貶所亡歿及得罪之人並任歸葬文武常參官及諸
 州府長官子為父後者賜勳兩轉應緣冊皇太子行
 事官加階賜勳爵有差文武常參官及陪臣官並宗
 子諸親賜勳一轉逐王府量與進官春闈毓德肇賜

嘉名盤石聯華義深敦序灋王寬宜改名憚深王察
 宜改名惊洋王寰宜改名忻絳王察改名悟建王蜜
 改名恪夫習近遷性聖賢所慎詳觀古昔輔正元良
 必惟其人朝夕講訓然後明君臣父子之道通礼樂
 教化之情自非學究宗源行可師範則無以膺茲茂
 選式是儀刑其皇太子及諸王侍讀宜委中書門下
 精擇二人具名聞奏天下孝子順孫先旌表門閭者
 及高年廢疾者委所管州縣各加存恤五嶽四瀆名
 山大川委所在長吏量加祭祀布告遐迩咸使聞知
 太和七年八月七日冊皇太子德音
 門下帝者承天地貞邦国法明離之象固鳴基一作業
 之本必命元子以備儲闈斯皇王之令謨古今之丕

典朕祇受眷祐虔恭寶圖欽若彝章光修聖者皇太子永幼稟智生知孝体温文以立德資敏哲以保躬寬俗有常貞慎無怠爰膺盛禮俾奉青宮嚴宗廟主鬯之儀遵朝夕親膳之節冊命云畢感悅良深問安既慶于寢門布澤宜覃于天下可大赦天下自大和七年八月七日昧爽已前天下應犯死罪降從流以下罪減一等惟官典犯贓及故殺人劫獄奪囚持杖強劫者不在此限左降官流人並與量移如因流貶及諸色得罪人所在亡歿並任歸葬宗周之之盛實在于維城二漢之隆亦由于盤石自開元已後累聖子孫皆長於深宮罔知稼穡曾不得習詩書以修禮樂交氣類以叙人倫雖有間平之才莫施魯衛之政

永言淪廢深軫朕懷諸王等宜以今年已後相次出閣且授累望已上州刺史上佐觀其才能續有序用人倫所先婚禮為重笄年許嫁則有明文其十六宅諸縣主等一作亦宜選擇良偶以時出適仍委吏部於諸色選人中取情願者揀擇具名聞奏亦當別加優獎令其就禮漢代用人皆當由儒術故能風俗醇厚教化興行近日苟尚浮華莫修經藝先聖之道理認無理字湮鬱不傳况進士之科尤要釐革雖鄉舉里選不可復行然務實抑華必有良術既當甚弊思有改張今寰宇乂寧干戈已戢皇太子方從師傅授六經一二年之後當令齒胃國庠以興墜典宜令國子監於諸道搜訪名儒署五經博士各一人其公卿士旅

子弟明年已後不先入國學習業不在應明經進士
之限其進士舉宜先試帖經并略問大義取經義精
通者次試議論各一首文理高者便與及第其所試
并停其試經官便以國子監學官充禮部不得別更
奏請弘文兩館生齋郎並依令式試經畢仍差都省
郎官一作中兩人覆試須責保人不得輒許替代苟涉
情故必加罪責卿大夫者群下舊唐書作下人之所視遠方
之所依若非恭儉克己廉貞化人而望其服從固不
可得况朕不寶金玉不御織革逮于六宮皆務儉薄
卿大夫得不叶朕此心一作志率先兆人此年所頒制
度皆系國家令式去其甚者稍為一作謂得中士大夫
苟自便身安於習俗因修未革以至于今百官士族

今起年十月服冬裘已後其衣服輿馬並宜準大和
六年六月十七日勅處分如固違制度九品已上量
加黜陟其布衣五年不得舉選百姓軍人各委州府
長吏漸施教化使自遵行不要便為禁制令其驚擾
惠養疲人本於廉吏阜其生殖在絕貪求其諸道方
鎮刺史等有聚斂貨財潛行餽遺者御史臺糾察以
聞仍委度支鹽鐵分巡院同為察訪不得容于一作蔽
親人之官切在守長久于其道政乃可成方鎮刺史
三考已下不得輒議替換如理有異等委中書門下
訪察寵獎如灼然可錄者別與甄昇其或政理有乖
害及百姓者即不在滿三考限易譏豐屋傳美卑宮
彫刻磨礮先賢所戒近者官總昇于即署位始至於

郡府符作莫不高其閤門閤作廣其池榭非惟僭侈
踰制實亦耗蠹傷財其百官第宅已造成者並許仍
舊今已後如有創立新宅及屋宇高大者並委御史
臺彈糾必嚴加黜責御史臺所署六察分糾百司比
來因循鮮能舉職迄今已後諸司如有身名偽濫隱
盜官錢及違法等事他時發覺者本察御史並當貶
斥考課之法前王所重蓋以綜覈吏理勵精政途名
實苟進將何勸激宜準故事置內外知考事兼令中
書舍人給事中各一人監考百姓困窮弊由奸吏政
苟不擾人皆自安其司農寺供宮內及諸厨冬藏菜
並委本司自供其菜價仍委京兆府約每年時價支
付更不得配京兆府和市其諸陵守當失宜委京兆

府以價直送陵司令自顧召並不得差配百姓寒食
杏仁鷄子月進土蘇白麥樹栽選場棘針修橋柴木
等便於本戶稅錢內剋折不得更令和市天下諸州
府納應義倉及諸色斛斗除準式每斗二合耗外切
宜禁斷仍委度支鹽鐵分巡院及出仕郎官御史切
加訪察如聞今歲所在豐稔斛斗先有借用處委戶
部勾當並須及時填足文武常叅官及諸州府長官
子為父後者賜勳兩轉緣太子攝太慰稱賀攝侍中
承旨宣制進中嚴外辦中書令讀冊授冊各賜爵一
級其行事職掌官及書寶引冊寶昇舉冊寶禮儀使
等禮官等三品已上賜爵一級四品已下加一階撰
冊文官特加一階仍並賜物有差遵引官各加一階

造冊寶填金字裝寶人賜勳兩轉行事流外及禮生
等各賜勳一轉文武常參官及部位官并宗子諸親
各賜勳一轉魯王府官未經進改者量與進改其皇
太子侍讀宜委中書門下具精擇二人具名聞奏天
下孝子順孫先旌表門閭者及年高廢疾者委所管
州縣各加存恤五嶽四瀆名山大川委所在長吏量
加祭祀布告遐迩成使聞知

一皆唐大詔令

寶應元年皇太子監國頒天下赦文

門下天下之本屬於方元良四方之明資其繼昭
是有傳歸之義必膺監撫之重克廣前烈與人守邦
非君父之獨親俾生靈以一作同戴朕好慕弓劍寢
居緣經頃以疾苦未能康寧殘寇猶虞中原多壘軍

國大務理須參決乃眷心共承宗桃皇太子緣天
緞聰明日躋德業中興正構已有大功問安寢門知
九國之夢制勝戍閩高五官之才時方艱難禮在諒
闇且以庶政委之元子宜令權知監國又以上天降
寶獻自楚州神明告歷數之符金壁定妖災之氣總
集瑞命祇承洪休因以体元叶于五紀其元年宜改
為寶應元年建巳月改為四月其餘月改並依常數
仍依舊以正月一日為歲首受茲福禍停以外平因
日月之重光布雲雷一作之屋澤可大赦天下見禁
囚徒罪無輕重并已發覺未發覺已結正未結正四
月十五日昧爽已前一切放免左降官已量移者即
便與量移近處流人一切放回有司更不得輒有類

例條件其楚州刺史并出寶縣官及進寶官等量與
進改隨進寶官與像等各量與一官宣布中外咸知
朕意主者施行

一依唐大詔令

籍田赦書

見四百六十二卷

張九齡

文苑英華卷第四百三十二

登仕郎胡柯

鄉貢進士彭叔夏校正

文苑英華卷第四百三十三

翰林制詔十四

赦書十四

雜赦書

曲赦並州管内詔

許敬宗

門下上玄育物大德基於施生前哲至仁大道源于
去殺是以矜慎庶獄得其情而泣辜兼濟含灵窮其
巢而解網朕懷此道愈切古人彼蒼垂鑒使膺司牧
爰自細齒乃屬時屯五岳為封豕之墟四海被長鯨
之毒茫茫區夏並懸今于焚原蠹亡窮黎咸轉骨于
冰谷是用仁心內發龔討外申吟嘯風雲揭日月而
清大稜籛跳山河補乾坤以正封或救其垂餌之厄
惠其壽考之安聰以陽和同被發生之貺辱以膏潤

申茲凱澤之錫與自期壤首建鳴名資此義徒遂登
大寶夫小物不忘稟靈周于兆庶惟朕懷舊植性同
其五情語地雖異中陽論心不殊代邸今茲黃髮已
溜連於廣宴在彼者衣宜霑恩于宥罪可曲赦并州
常內貞觀二十年正月十七日申時已前大群罪已
下已發覺未發覺已結正未結正繫囚見徒皆赦除
之其犯十惡故殺人劫賊傷人謀殺人已傷枉法受
財監治主守自盜所監治并常赦不免者不在赦例
其有挾藏軍器亡命山澤百日不守復罪如初敢以
赦前事相告言者以其罪罪之

安養百姓及諸革改制

內制

勅愛人者天子之德育物者陽和之氣朕立極行政
體元順時期於緝熙致彼仁壽今永惟春令慶在發
生當萬有之遂心慮一物之失所救人恤隱雖已著
于成式施惠布德俾吏弘于新令其天下百姓有灼
然單貧不存濟者緣祖庸先立長行年量鄉放十丁
猶恐編戶之中懸磬者衆限數既少或未優洽若有
此色尚軫于懷特宜每鄉前放三十丁仍准旨條處
分待資產稍成任依恒式其所放丁委縣令對村鄉
一一審定務須得實仍令太守子細案覈本道使察
訪如有不當者本里正村正先決一百配人軍團縣
令解太守本道使不舉者量貶降七德為式必先禁
暴五材並用誰能去兵自古蓋非獲已關山遠戍雖
多恋本之情祿位高懸終有懋功之賞若能感激信

可優矜其諸征行人家有兼丁如載限向滿情願自相替者宜聽其家內應內更差防諸雜差科一切放免古者黜陟幽明廉問風俗匪惟察吏亦以恤人今考績之期已過于三載求瘼之意欲覩于四方宜即選擇使臣分往諸道察訪官吏善惡巡問百姓疾苦兼太守縣令老者者此問諸郡或有損處尋令賑恤猶慮艱卒須更優矜務使問濟其開元二十九載內外官所舉太守縣令等朕以撫字之任急于用賢特令舉親務欲求實翹車既至頓網無遺不限登科皆令効職既推心而無負期濟理而有成一自守官向已終職思聞為政之績以觀推薦之義先有處分必行賞罰尤須審察將復前言迴日並具狀聞奏且量

地制宜大小雖殊置吏養人遠近如一比來中下縣令或非精選吏曹因循但務填闕天下大大率小縣稍多至於蒼生詎免其弊若無優獎豈致循良既在得人寧拘各限且於選人內取中外清資是明經進士應制明法并資蔭出身有幹局書判者各於當色內量減一兩選注擬赴任之日仍令引見朕當察審去就其老弱者更不得輒注考滿之後准畿官等例三選聽集在任有政績尤異者三考外今本道採訪使與通狀應是下縣仍並昇為中下縣又令掌字人不可躉閑比來捕授直至選時亦有在縣在僻遠多不情願遂虛其位累在闕人既無本官為政不一戶口逃散莫不由茲自今已後宜令選司先量才注擬

如非時有事故等闕考所由當月牒中書門下于內
外官中簡擇進擬遣今在京員外人數稍衆既無職
事頗亦滯才其高品者宜簡擇量授郡守六品已下
堪理人者亦授縣令俾其効冀用有成績天下郡縣
先有欠公解本處今既分稅錢並準式依本足例支
給使厚其祿以竭其心經國之制省官為本况分司
揆務既有常員授職任人須存定限若踰程式實紊
綱紀其內外六品已下員外官至考滿後一切並停
各依選例自今已後更不得注擬其皇親諸親幼小
及諸色承恩授官軍功伎術內省左右龍武軍并諸
蕃官等不在此限所司仍具作條件處分且禮經垂
訓篇目假殊或未盡于通体有乖于大義借如克命

四子所以授時周分六官曾不繫目先王行令蓋取
于斯苟分至之可言何茲望之足舉其禮記月令宜
改為時令但五方方定位岳鎮總其靈萬物阜成雲
雨施其潤上帝攸宅寰區是仰且岱宗西岳先已封
崇其中岳等三方典禮猶闕朕以眇身紹膺鴻緒紫
極夙讓黃屋非尊屬天衢未亨王室多難載迫公卿
之議儀遂歷教之重凜乎馭朽慄若涉泉自臨萬邦
斯焉三載頃者居過密之際莫議郊禋之禮霜結之
思日月增深今三元告辰萬物伊始假于清廟昇被
圓丘躬耕祈穀率禮斯備太官視膳而牲潔奉常陳
樂而雝和緩自降制之始迄于禮畢之際祥風候律
瑞日揚光慶雲紛集于壇場甘雨備流于郊甸非常

之慶豈獨在予宜因天地之心式覃雷雨之澤可大赦天下

至都大赦天下制

蘇頌

黃門周宅中土秦里上田皆王者之都也時返觀風載巡展義皆王者之政也朕嗣守宸極頗移年所冕旒而視心每周于萬邦車轍所屆迹不出乎三輔豈懷安以憚勞姑省費而休力然以設京師者不徧于西據奉宗廟者亦候于東征安可阻從人之心增後予之怨是用閏陽發歲練日簡陳乘和氣以應物御惠風以行令永言告至載叶佅來顧惟菲躬畏此鳴業下輦而有宮室即舊不加登臺而有山川覽會猶昔森然在目用軫于懷思弘遠圖俾作寬典不忘師

古之義特布惟新之屋可大赦天下自開元五年二月三日昧爽已前大辟罪已下罪無輕重已發覺未發覺已結正未結正囚繫見徒常赦所不原者咸赦除之惟謀反大逆不在赦限至夫政欲清淨詞尚省要問者思致於一作又未臻其道文書盈九閣而吏益欺詔命下閭里而人莫喻得非失於牴牾弊于詔令印在煩蕪耶簡而易從禁則難犯令式格勅有不便者先令尚書省集議刑定宜詳厥衷合于大休亡命山澤挾藏兵器者百日不首復罪如初敢以赦前事相告言者以其罪罪之赦書日行五百里布告天下知朕意焉主者施行

大曆四年大赦天下制

常衮

勅至理之代先德後刑上歡心以臨下下欣然而奉上禍亂不作法令佃施去聖久遠薄于教化簡書填委獄訟繁與苛吏舞文寃人致辟思欲刷恥改行厥路無由豈天地父母慈愛之意也朕主三靈之重託群后之上夕惕若勵不敢荒寧內訪卿士外咨方岳日不暇給八年于茲而大道淳風鬱而不振四郊多壘連歲備邊師旅在外役費尤廣賦與輸轉疲耗吾人困竭無聊窮斯濫矣天下之愚昧唐書作下愚闇昧不見刑網戎士在軍未習法令犯禁祇罪其徒實繁幽繫狴牢集作剛未詳事實吏議不決動奄時序傷阻和氣屢彰咎徵此皆政之不明教之未至豈上失道其而繩下以刑敢不罪已以答災眚且人者君之

支体害之則君有所傷刑者教之輔助失之則人無所措慮有寃濫慘然憂傷困明慎罰之典俾弘在宥之澤其天下見禁囚徒死罪降從流流已下罪釋放其左降官及流人並移隸等並與量移仍委所司即勸責送名中書門下奏聽進止如聞州縣官比來率意恣行麤杖不依格令致使隕斃深可哀傷頗有處分仍聞乖越自今已後非灼然蠹害者不得輒加非理仍委觀察節度等使嚴加捉搦勿令有犯如違錄名聞奏量情料貶宣示中外宜悉朕懷

大曆五年大赦天下制

前人

門下惟辟奉天作人父母若天垂戒于上人不妄于下則修德勤政以達至誠恤刑獄之寃滯問閭閻之

疾苦招納諫諍訪求賢良允迪前烈率由此道朕獲承宗廟之重託于王侯之上夙夜齊慄莫敢荒寧推誠以撫萬邦屈己以安百姓憂勤之至日慎一日服御之給損之又損為涉道猶淺燭理不明國經王度多有廢缺加以寇戎驟犯軍國煩勞賦重人竭因之歲歉田荒業廢逋散相仍每深怵悼頻有蠲降兼以簡求良吏以惠矜人除去奸宄用達幽枉大變風俗更張刑政冀人和之漸洽何天青之屢彰固以朕德之寡昧化之衰薄其咎不遠在予一人亦由郡邑之政未盡條理或貪以害物或擾以傷農有凌弱暴寡之寃有不均失中之政人無所措多陷刑辟蓋上之教道未至豈忍以文法繩之慘然憂嗟深自引慝

雖縻草麥秋之候方斷薄刑而薰風長養之時宜寬庶獄大決踈_集蹶_蹶網與之更新其天下見禁囚徒死罪並降從流流已下並釋放内外文武官及前資官六品已下并草澤中有碩學專門茂才異等智謀經武諷諫主文者仰所在州府觀察牧宰精求表薦如所由搜揚未盡遺逸林間者即宜詣闕自奉親當策試量能擢用朕每覽漢文詔書至陽和之時草木群生之類皆有以自樂而吾百姓或陷于死亡而莫之省緬然遐想感嘆增懷哀今之人又甚于昔思有瞻恤俾安其居觀察節度使及刺史各宜訓勵所部使奉條科變貪官之節激脩勵之行其清白明着政理殊尤者具以名聞必加獎擢若冒干貨賄紊我綱紀

切宜糾摘當峻刑憲其官人犯賄集作經恩免罪者
並宜申報中書門下及所司不得容其却上自王室
多故積有歲時皆我文武之臣中外戮力今天下既
定崇德報功與之剖符傳代不絕至于蒞官述職各
宜明慎典刑貽慶子孫永同休戚於戲武德貞觀之
間有若魏徵王珪李靖李勣房玄齡杜如晦等扶翼
大運勤勞王家尊主庇人匪躬致命咸有一德格于
皇天緬然長懷風烈猶在其後嗣沉翳特加優獎如
廟宇荒毀即宜脩葺無德不報何日忘之其鰥寡惇
獨老幼貧窮不能存者委州府縣吏取諸色官物量
事賑給仰招携戶口勸課農桑應所在州府有興工
役處非灼然急功者宜並停之五岳四瀆名山大川

神明所居風雨是主宜委中書門下分使致祭以達
精誠孝子順孫義夫節婦事跡明著者特加旌表頒
示中外知朕意焉主者施行

大曆七年大赦天下制

前人

門下脩于道者化醇而刑措善于理者網舉而網疎
朕涉道未弘燭理多昧常以遐想大和古高揖玄風
保合大和在宥天下蓋德薄而未臻也是用因時以
設教便俗以立防務盡平恕用申哀恤又教淺而多
犯也加以邊虞未戢并賦猶繁荒廢之餘寇攘斯起
遂令圜土嘉石之下積有壘囚危章互簡之中困于
法吏屬盛陽之候大暑方蒸永念徃牢何堪鬱灼所
以沮傷和氣感致咎徵天道人事豈相遠也如聞天

下諸州自春以來咸集作愆時雨首種不入宿麥未

登哀我矜人何恃不恐皆由朕過益用懼焉惕然憂

嗟深目咎責所以悉減常膳唐書作減別居齋宮禱

于神明冀獲嘉應仲夏之月靜事無形以助晏陰以

弘長養漸薄決小已過于麥秋繼長增高宜順乎天

意可大赦天下其大曆七年五月十五日昧爽已前

已發覺未發覺已結正未結正應天下見禁囚徒罪

無輕重一切並宜放免所司詔更不須類例聞奏

宜令諸道節度觀察及州牧縣宰等於當管內所有

山靈跡各精誠致祭所降甘澤冀獲豐稔永思流弊

庶振風猷其巴南諸州仍歲水旱迫於凍餒或至流

離因有剝求苟全性命懼刑網之所及姑啣聚以相

依抑有由焉蓋非獲已永言其弊用軫于懷如能相

率來歸各安生業並無所問咸許自新敢以赦前事

相告言者以其罪罪之亡命山澤挾藏軍器百日不

首復罪如初赦書日行五百里宣示中外咸使聞知

主者施行

大赦京畿三輔制

前人

門下古者以季春之月布德行惠恤刑賑乏朕親執

犧牲玉帛獲奉於上帝神祇九年於茲矣克已思理

明不能燭昆夷未叙王略猶虞歲會三秦之師日有

千金之費悉索幣賦疲於餽軍侯甸之間徵求耗竭

百穀翔貴閔中小歉窮則斯濫集作安能懼刑困集作

而成盜道多有犯法至於軍戎之士致使廩賜不充

因之逃亡抵于

或詔令作

邦憲事非獲已情亦可察焉

集無近以霑

集作濡之敢

集作明發有懷屬近烟

集作

之令節方薦鮪于寢園聖祖敷佑景靈告祥先天後
天載荷嘉貺以陰以雨又助發生固宜順曲成之仁
布惟新之命赦罪育物曠然滌除其京兆府及三輔
並京城內諸使諸司見禁囚徒犯死罪以下特宜釋
放其有犯未發竟者罪無輕重亦宜一切放免如有
妄論告者以其罪罪之其官典犯職不在免限頃者
魚朝恩夙有功勳委之戍事而徵求黎庶空竭閭閻
加之廣有貿易奪人賄利京城之內擅置刑獄恣行
忍害幽執無幸部領師人乎于撫馭資糧刻薄勞役
煩苛惡稔豐盈自盈嬰沉痾念其勳四許以憂閑令

罷兵權遂其養疾而宗社降鑒明神所殛羸瘵不起

旋至弊亡既往無追一切不問所管將士等同坐於

王事各效忠勸詔令是朕瓜牙自致勲業並宜仍舊

勿有憂懼蓋以朕誠平感物明未知人失於授任而

臻此也今則虛懷引咎親御禁戎特集作加優寵以

表勞績其資聖寺禁人并進捕勘責等即宜並停然

以王畿難弊務恤疲人蠲稅罷徭與之休息尚恐流

庸罕後貧弱未安益用憂勤諒資損約京兆府百姓

承前應欠負官物等委所由勸責實在百日腹內者

一切放免其在所由腹內者不在放限畿內官人手

力資課及府充職掌名額稍多所有集作祇供不免

煩費並諸縣郵遞路次館驛諸色徵科等一物已上

並委中書門下與京兆府即計會責取色目一一商量條件處置務令減省以息勞煩其諸司諸使迴易一切並停不急之務亦宜且罷農隙之後然準常式宜示中外知朕意焉

赦京城內囚徒制

前人

門下朕以寡薄獲守正圖恭默詔令思道克謹天戒常恐致誠不達景化未敷寅畏之誠寢具在慮自純陽用事靈雨偕旬雖有秋禾未長畝有阻三農之望將貽萬姓之責是用齋心滌思禱於上下神祇雲從自郊日未離畢膏澤不降憂勤益深雖水旱成災陰陽恒數而刑法集作失中或致僭伏豈信集作孚有爽哀敬未誠歎嗟我矜人陷于集作刑辟當炎蒸之

序在縲紲之中久積幽冤有傷和氣所以引成湯之六事過實在予寬大禹之九刑誠存育物期于作解以救如焚其京城見禁囚徒死罪降從流流以下罪一切釋放委中書門下即分踈理處分訖奏聞雖罪疑從輕或謂之長惡宥過無小寧失于不經庶空夏臺用緩秋典宣示中外令知朕意

文苑英華卷四百三十四

翰林制詔十五

德音一

宣慰德音

劉晏宣慰河南淮南制

常衮

勅書曰元后作人父母又曰一夫不獲則曰時

集無此二字

予之辜政或不平訟或無理則人受其弊氣生其災

噢咻連聲愁苦無告州縣長吏莫之省憂念此疚懷

中夜三歎朕以不集作德託于人上永言理道敢不

勵精然自兵亂一紀事殷四方耕夫困于一軍旅蠶

婦病于餽餉欲求無事其可得乎致令戶口減耗十

無一二而河南淮南又甚諸道得非蒐乘補卒之數

急賦橫稅之煩致使惶駭匪寧流庸不復兼亦我親

人之取少有政術稱者其於賦役多患不均靡室靡家皆籍其穀無衣無褐亦調其庸雖節制廉察務令條理而貪官冒法未絕姦源誅求無厭鰥寡重困永歎遐想過實在予巡撫之寄資于碩德某官某相府之舊道在安人自河南之天下半底慎財賦衣食京師久于倚任多所私濟因其旋南將命收厲所至之處宣示詔書撫將校之勤勞問黎元之疾苦事有不便法或不行委之輦革歸于允當或做集作假其征徭私有聚斂或託以貢獻公乾沒厚取于人歸怨于上虧損時化朕甚懼焉宜委某所與節度觀察切加踈理勿令寬濫以副憂勞其官吏有犯便禁身推問具狀問奏當峻典刑以息貪殘

宣慰領南制

前人

敕理天下者先務于遠安本人情者必令其上達或刑罰不中德信未孚則生怨咨是有申慰朕以服領之表方隅之大南盡百越專制万里擇將置守常亦難之至于臨遣屢有明誠俾施惠政以恤疲人而長更議法不平作威以逞因其猜阻陷我忠良馮李康何如瑛等南方古旅累代純臣協其義烈之心積有艱危之効惑於所譖雷用其刑無狀致辟遂生邊患朕自託人上每勞日昃法天地之生成弘父母之慈愛聞此濫罰惕然疚懷尋亦辨明特令昭雪如聞溪洞尚有分擾哀我士庶勞于甲兵豈不求安良有以也所以更謀良帥先用舊德兼御史大夫徐浩歷典

中外長於撫綏素所親信俾其鎮緝玄冬之首當至
彼方必能大布風化永清麾管仍命尚書比部負外
郎莫藏用往嶺南宣慰問以疾苦弔其死喪其季康
等遇害之家躬字存撫切如瞻恤務令得所以慰遺
孤其軍州所有結聚明申中旨懸示大信但能歸附
即是平人豈惟復業安居當亦隨材命職兼至桂州
宣慰應水旱所損或須蠲免宜與觀察使商量處置
免膺朝寄以稱朕懷

宣慰湖南百姓制

前人

勅震澤之南數州之地頃以水潦暴至沱潛潰溢既
敗成廓復潞原田連歲大歉元元重困餒殍相望流
庸莫返加以以師旅煩之以賦役哀我矜人何以堪

命朕君人之道猶鬱牧養之政未弘咎之所降諒在
于茲雖天災流行則有恒數而夕惕若勵豈亡責躬
夫振人有物大易之明義也自漢魏以來水旱之處
必遣使巡問以安集之國朝因其制焉宜命近臣慰
撫俾喻求瘼之意用紓科糶集作泛方湧切之急宜合
中散大夫給事中賀若察往湖南宣慰處置其百姓
遭損不能自存者應須賑給蠲免宜與本道觀察使
商量處置訖聞奏仍賞詔書体問周恤集作齟齬宣示
郡邑悉令朕懷

宣慰魏博德音

玉堂遺範

敕奉君親竭忠孝人倫之大端也賢知可所作以盡
心賞功勞懋名節國家之急務也皇王可所作以致

理朕嗣守

服作

丕業恭臨萬邦每念政之未孚化有

不暨怵惕惟勵

載一作

勤于懷常以為宵旰稟靈皆

思響善亦在甄明撫導推示信

一作

誠樹績必使其

光揚敷惠

罹患作

必圖其安緝永言及此終食豈志魏

博大藩東夏雄屏軍戎勇于見義黎庶懷于有仁自

中原始兵革之虞河朔為用武之地抱才器者或慮

思

感一

而盡力申節孝者果因事而彰明時將大寧

斯獲予志昨者季安薨謝其子幼童姦邪憑依妄肆

威福一境危懼致覆亡北屋凋蕩疲于杼軸田與杖

義奮發剪去憮人大安方隅屢獻忠懇達三軍奏上

之志激千里望闕之誠誓遵彝典丕變俗忠諫指切

感于朕心是用特受旌旄俾靖封略言念將士同德

叶謀守正如金石之堅凌寒挺松柏之操垂令名于

不朽示臣節于將來清載揚丹誠可鑒嘉尚歎悉勞

於寢與賞不踰時式示旌勸其管內百姓等勞耕稼

力竭征徭每念于懷用當憂憫宜令司封郎中知制

詔裴度往魏博宣慰親諭朕意仍賜錢一百五十萬

貫以河陰院諸道合進內庫綾絹紗等支送充賞及

將士及六州縣百姓差科宜給復一年使之蘇息州

縣之中或有殘破偏甚者委田與逐便宜處分朕以

布澤之時務從人欲好生之德期洽衆心魏博管內

宜赦見禁囚徒其與叶心立功大將及判官等委田

與具各衛聞奏當有甄昇如有父母在別加優恤當

道從前已來官吏將校等或忠義可加而刑戮濫及

如有此色委田與條錄奏聞當加贈如有家口見存
宜厚加優恤管內高年惇○或天寶遺人夙霑皇化
或孤獨廢疾不能自存田與差官存問仍量給粟帛
管內有清勤奉職為衆所知者田與具事跡奏聞當
知隨改如身在丘園行義素著或才兼文武名節可
稱宜委田與具名奏聞太慰季安因威舊臣曾任將
相飾終之典宜示優崇其葬事委田與差官勾當禮
物之間務從周厚因懷諫在疚之初政出群小因致
軍府騷然不寧以其幼年嗚呼聳一作善念功
惟恐不極及一作邨人厚下惟恐不豐庶洽豈熙遂
矢為仁由已其道信然樹德務滋在乎終始凡百多士宜
悉朕懷

一皆唐大詔令

放減德音

減徵京畿夏麥制

常衮

敕夏氏五十而貢殷人七十而助周人百畝而徹其
實皆什一也故謂之天下中正而頌聲作矣乃者因
三代之制定其稅典務於行古庶以便人屬外攘四
夷歲會戎事軍國用度公儲匱乏役費荐至近於倍
征而吏或奉法不謹失我字人之意孤惇者容其厚
斂豪富者貸以輕徭動而生姦浸以流弊謂之什一
其實大半致有去父母之邦其庸保之役流離逋蕩
靡家或陷於死亡而莫之省每一念至良深憫惻頃
亦釐集作從其便安量沃墾之差寬賦歛之重今邦
畿之內宿麥非稔去歲懇田又減常歲昨者征歲其

數頗多朕以萬姓不安三農將廢憂勤鬱悼中夜以
兵思有康濟未集作臻其道每欲悉免量入息其重
困而未解兵嚴猶資日費用蠲恒數以恤疲人其京
北府今年所率夏麥宜于七萬碩內五萬碩放不征
二萬碩客至晚田熟後取雜色解斗續納仍委京北
尹崔招差少尹李倚干頃等分縣巡撫必躬親宣示
朝章令知朕意大曆三年六月

京北府減稅制

前人

敕三代之時籍而不稅降及近古或至倍征承平則
有於輕人有事則煩于薦費亦古今之常也朕勵精
憂人夙夜勤約至如王制之定集作國用人曹之制
地征必親豐穰與之上下然以邊未轍驚十年於茲

連五岳七萃之屯有賦輿調食之重徵求橫作室耗
吾人所征地之數有踰常典頃者躬自節儉勵于三
軍歛從其輕以減太半今舊穀既沒宿麥未登尚使
餒殍相望流庸不返邦畿千里編戶大殘慮集作有
自存之人未喻詔書之意臨時科率或恐增加以茲
禱踏多不墾闢行及春暮田蕪益荒屬膏雨沛然慮
失農候故重明朝旨更減田租蓋畿內移軍所余全
少山東加運其助頗多朕又親統六師大閱戎籍事
必精實自然蠲省京北府夏麥上等每畝稅六升下等
開佃者每畝稅二升秋稅上等每畝稅五升下等荒田開
佃者每畝稅二升比者百姓不安皆因稅重據其減
數漸復平時頻有擾當兼罷徭役加之誠教又絕侵漁

所宜鑿井耕田各勤生業自今已後必致康寧仍委京兆尹及令長明分宣示以勸集作東方作躬親慰撫稱朕意焉

減徵京畿丁役等制

前人

敕天下集作所命俾朕字集作人豈敢怠荒集作朝

于康濟勞精極慮十有四年集作務崇省約以訓天

下訪其疾苦屢有蠲除公稅之差僅從盡轍宮衛之

備仍罷踐更兼損服御用資軍旅大去煩弊以休邦

畿遊食之人悉歸南畝墾田之數漸服平時神降嘉

生歲乃大熟震于珍物景福紛委蓋上玄列聖之諸

祉也豈寡昧之德而臻此耶夙夜祇惕永懷憎懼然

以令有緩急物有輕重故粟輕而易散錢重而難聚

古人所謂糴之至賤與貴其傷一也如聞問閭未免

告疾集作至乃以粟數解易錢一緡雜以他徭難以

集作償費轉用所寶念之惻然深可重惜所宜節省

其京兆府諸色番役等訪問諸司或有徵科比緣特

儉資數稍多估折集作皆賤不仍舊價集作其掌

閑曠騎三衛及橋堰丁匠等如本集作司源徵資並

納錢三千米六斛其青苗地頭天下諸州每畝率錢

十五頃以京師煩劇供應頗多苟從權宜遂倍其數

自己今後宜準諸州例徵率朕以帝王之教人如父

母之訓子所以至纖至悉必躬必親苟或便之豈憚

煩也宣示百姓集作知朕意焉

放京畿丁役及免稅制

前人

敕王者承天命以養人也愛之如身豈止于子餒者

食之寒者衣之猶恐仁之不至愧悼之心惻隱于內而不能已也故天下有道藏于百姓古之使人不過三日可以長孺齒可以養孤老蓋太平至理之化何施而集臻一作於此乎朕承奉大業于茲八載不能恆弘至道被之六合雖德之寡昧燭于理常亦憂勤勤損以濟元元豈不知乾坤以易簡成物帝王以淳儉守位從賦歛之薄省哉然時或多故事非獲已屬外攘夷狄連歲備邊兵車之會不下十萬餉饋耗竭邦畿大殘又郊社宗廟之祀府庫賜與之用度事之費皆仰給焉急賦暴征徵日益煩重加以水旱相乘歲非豐善一作熟方冬之首穀已翔貴又宿豪大猾橫谷浸漁致有半價稱分田劫假于是棄田宅鬻子孫蕩

然逋散轉徙就食行者甚衆念之疚心夫姿土重迂人之常性向非誅之數豈去父母之邦哉蓋以政不明鬱於教化德之寡薄以至於斯傳曰百姓不足君孰與足書曰民非后何戴后非衆罔與守邦今縣內告病流亡不已失於撫育之道獨不愧於心乎哀痛勤一作勲一作明發不昧在予之情一作懼惕良深宜有蠲除以惠貧弱其京兆府今年秋稅於所徵數內減十萬石百姓應納諸色物等比緣翔方軍糧轉輸勞弊又時方收歛務從便省其草粟等並於中謂橋東謂橋納仍各隨當縣道路穩便如法一作般如苑南及于苑北面貯積又減納等宜委中書門下與所由計會處置百官及府縣官職田歲月深久多被換

易縱有本主皆是蒿荒虛配戶人今出苗子間閭之內其弊至深今年宜四分徵一餘並放免其諸司諸使丁役及夫匠掌閑三衛擴騎等戶多非正丁皆率貧弱頃雖減省猶慮艱辛宜委中書門下即與各本司計會如灼然須役正身者具所要色目事由聞奏除此之外商量和顧并百姓先出資者官出錢充資畿內至去年五月已來一切停差遣去年准旨及勅并度支符應年支諸色雜物合徵科百姓等宜據所由供數並官出錢置使依市糴三字作和糴和供所征百姓宜停應供往來徭逸從來年正月至麥熟已來並官出給百姓應有欠負一物已上及諸雜未役庸課一作未酬納者一切客至麥熟填還由不得輒有干

擾如官典隱姿在腹內及有欠負者不在免限且風化之由繫于長吏黜陟之典所宜大明宜令御史臺切加糾察其戶口有減田未不殊或流庸稍歸農畝加闢即宜具名條奏當峻刑賞庶使凋瘵之人僅于蘇息憂勞之志上達神明宣示詔書令知朕意

一作皆唐大詔令

減淮南租庸地稅制

大曆七年十月

前人

勅王者以冢宰制國用以司會質歲成必視豐荒之年以均輕重詔令作賦入之數自近古以來天下郡縣或有水旱之處則亦減其田租休其力役不急之務不便于時亦皆節省以惠窮乏上天眷命屬朕黎元敢不敬承厲于勤儉集作恤躬自菲集作檢薄刑于集作於家

邦非上薦宗廟下資師集作旅未嘗私其所奉更有
徵求藏之於人孰謂不足迺者屢減邦賦以勸農耕
而四時罔薦九危皆叙近日集作關右達于集作海隅溥
其百穀之穰寧止三年之積非朕寡德所能臻此蓋
祖宗景靈被此嘉貺仰荷殊慶競懷益深而誰南數
州獨罹災禍秋夏無雨田萊悴荒閭閻艱食百賈皆
震永念于此集作尤集作增憮然我心憂傷終夜不寐宜
有蠲貸用安流亡其淮南今年租庸地稅所集作支
米等宜三分枚二認分字揚洪宣等三州作坊住以
軍兵是資戎器既屬歲歉頗殘吾人徵材役工荐費
尤甚惟務省約以息困窮亦宜並停宣示百姓知朕
意焉自既屬至意焉三十六字詔令作既屬歲次大歎慮
乎人不寧居徵夫役士損費尤甚務從省約以息困

人宜亦並傳朕精誠奉天誠懼臨下惟恐明有不照
聰有所不達百辟卿士咸弼予達宣示百姓令知朕意

減京兆府秋稅制

前人

勅頃以蕃寇猶虞王師未戢所資軍費皆出邦畿征
調荐興日加煩重閭閻困竭人轉流亡念之疾懷肝
食增懼近者省月更之役減歲入之租務于惠養冀
有蘇息尚聞告病終未安居深用悼感集作愧悼更聞優
恤今閔輔諸屯墾田漸廣江淮轉漕常數又加在集
計一年之儲有大半之助其于稅地固可從輕其京
兆府來年秋稅宜分作兩等上下各半上等每畝稅
一斗下等每畝稅六升其荒田如有能開佃者宜準
今年十二月十九日勅一切每畝稅二升仍委京兆
尹及令長明車詔旨分榜鄉閭一一存撫令知朕意

免京兆府稅錢制

前人

勅守位聚人有賦有稅所以奉宗廟之祀備水旱之
災事之大經古今不易國家計其戶籍俾出泉貨著
在於典謂之兩稅天下通制行之久矣自師屢荐興
征調煩數法度多峻集作改遂廢其名近舉舊章用遵
薄賦施于中外其法一也屬會戎事聚于邦畿以鰥
寡困窮之人當征徭力役之重久於供費皆至匱竭
蕩然流散言念傷懷比之四方此實尤甚思其蠲貸
庶令蘇息其京兆府見差科百姓今年秋稅錢特宜
放免

減京畿秋稅制

前人

勅周以司會立經制漢以丞相校簿書兩句舊唐書作古者量

其國用差其集作而立稅典必以省費唐書作必由之重

輕公田之籍可謂通範唐書作制履畝而稅斯成弊法將

期唐書作於折中以便於時億兆不康君孰與足

故愛人之体先於詔以博施富國之源必在均節唐書

作必均朕自臨宸極比屬艱難集作外亦常慕溥唐書

平而邊事猶殷戎車屢駕軍興取給皆出邦畿九伐

之師尚勤王略千金之費重困吾人乃者遵冉有之

言守周公之制什而稅一務于行古今則編戶流亡

墾田減耗計量入之數甚倍征之法納隍之懼當宁

軫懷慮失三農深憂萬姓務從省約稍冀蠲除用申

勤恤之旨以祛惛墮之弊其京兆府所奏今年秋稅

合徵稅八十萬五千石斛斗數內宜即減減詔令作一

十七萬五千石委黎幹據諸縣戶口地數均平放免

仍分明榜示百姓令知當戶所減斛斗數訖聞奏其

應徵青苗地頭錢亦宜三分放一其先欠永泰元年

地頭錢一十四萬九千一百四十一貫並宜放免除

丁匠掌閑正番外至來年麥熟以來府縣宜一切不

得輒有科稅朕當躬儉節用以贍黎元中夏漸寧庶

有康濟宣示百姓知朕意焉永泰二年十一月

漸放太原及沿邊州郡稅錢德音

編制

門下朕思三王已降誰能去兵文武之道參用為理

况以寡昧獲承丕構環四海九州之大子圓首方足

之多一夫之疾苦必軫其憂一士之忠勞必思其報

一風一雨之僭候必申其祗所作祀一工一役之橫

費必念其所耒業：競：如即深薄雖興兵動眾非

吊素懷而伐罪弔人有國常憲干戈一舉飛輓是勞

緣路徵輸指期調發耕夫不遑於壠畔織婦有輟于

機中予之疚懷豈忘終食頃以虜騎犯塞王師戒一作

邊今以路寇阻兵靈旗指晉境作始無虞於塞北復

有徵於山東勞者未安居者寧逸遷擾蓋不獲已且

多愧焉念其徵發師徒道路供饋地素貧徧物力已

窮今欲徵秋稅之時宜有蠲免用布慈仁之澤冀為

疲瘵之醫勉副曲思永安生業其太原管內忻雲汾

代慰朔六州振武天德及河中晉絳陝汾路州縣今

年秋稅及地頭錢宜放免河南府亦是供頓往來道

路北晉降太原即免備併其沿潞畿縣及河陽汜水
縣秋稅地頭錢量放上供一色其合留使留州錢物
各委本道觀察使具放欠額數聞奏當與商量於戲
君臨萬方子育兆物庶將去害豈謂佳兵上天監予
玄功福善傳聞掃殄共樂清平未問之心憂愧而已
凡百多士宜體朕懷 昌 三年七月八日

雨災減放稅錢德音

編制

門下朕恭臨寶位祇嗣丕圖勤恤憂兢夙夜匪懈懼
天下之目專專然以觀予動懼天下之耳顯顯然以
聽予言何嘗發一言不遵祖宗之法制動一事不副
卿士之群心雖克己甚勞誠心無虞鷗時風於朴素
絕進取于爭馳便于人者無不為厚于身者無不去

然而惠化猶缺懲勸未行殘虜在邊尚煩饋餉一作

任重叛路猶擾干戈蓋不得已而用之事有違其志

者顧惟寡昧慙歎方深今朝野叶心忠良同志共除

氛祲日冀清平而秋雨經旬有妨收積一作雖云苗

稼無害亦恐陰沴為災慮生人之疾苦未蠲刑獄之

滯寃未理勵堯舜敬天之志當夕興嗟虔禹湯罪已

之心誥朝下詔衆貧固何能富人瘠君安得肥况畿

甸差科終年無已百司取給供億實多其京兆府秋

稅及青苗錢共放八萬貫便委張賈與諸縣令同商

量各據所損多少作等第減一作放更不用檢苗覆

損煩于申奏其合徵納物仍量與寬限容待路通後

輸納如聞貧人未及種麥仍委每縣量人戶所要貸

與種子寬限至麥熟日填納如京兆府自無種子即具數聞奏大倉給付其御史臺京兆府所有囚徒委宰臣一人與左僕射王起御史中丞李回就都省踈理如情狀可矜者便委決遣其諸州府囚徒亦委長吏一作躬親自踈理勿令寬滯於乎水旱之災陰陽定數適當菲德合恤疲人施令布恩期于蘇息凡厥臣庶宜体朕懷

會昌三年九月二十日

一作皆唐大詔令

文苑英華卷第四百三十四

登進士郎胡柯 鄉貢進士彭叔夏校正

文苑英華卷第四百三十五

翰林制詔十六

德音二

賑恤德音上

賑貸

詔令

京畿百姓德音

門下王者布德行惠必順天時發廩賑乏蓋循舊典朕君臨寓縣念切黎元思欲咸致其安各阜其業事關恤下政在使人子無愛焉斯為大本而旬服之內比年豐穰一歲不登遂至艱食豈非教下賦役經制猶繁物力所資凋耗已甚靜言于此愧歎良深今春陽發生田事具饒苟迫于歉乏不能自存則耕植損詔令虧秋成何望所以持加恩詔令賚蠲彼徵求庶作頌農桑之及時詔令候作候麩麥之方稔式當和煦之候載

示憂勤之心我其依懷俾厚生殖京畿百姓宜共賑
給粟三十萬石內八萬石以京兆府常平義倉粟充
其餘以詔令大倉粟充支給此者田穀致損芻膏隨
之今已過時益難濟辨其并賊田草共一百一十五
萬束並宜放免又有常賦錢穀蠲放之余貧弊者多
慮難輸入欲令寬息須有優矜其京兆府欠去年兩
稅青苗等錢二萬一千八百貫欠秋稅雜斛斗及賤
田粟五萬三千三百石並宜放免元和六年春賑貸
京畿百姓義倉粟二十四萬石亦宜放免朕誠意靡
達黎人未康擾積於詔令衷鑒昧增惕爰自去歲以
迄於今存救之恩屢降明詔乃眷長吏賤惟親人爾
其檢詔令慮撫綏指陳利病將我惠澤被于鰥寡叶

於便宜無使勞擾故茲示諭當悉朕懷元和七年二月

賑貸京畿德音

同前

門下朕聞王者之牧黎元也愛之如子視之如傷苟
或風雨不時稼穡不稔則必除煩就簡惜力重勞以
圖便安以阜生業况邦畿之內百役所叢雖勤恤之
令亟行而供億之制猶廣重以經夏炎暎自秋霖靈
唐書南畝虧播植之功西成失豐唐書作農非登之望內
乏口食外牽王徭豈惟轉從唐書作書非之虞慮有餓唐書
非餒莩之患斯盖理道猶鬱和氣未通永言于茲良
咎歎宜加惠貸式示誠懷京兆府每年所配折糶粟
二十五萬石宜放入百姓有粟愿折納者時估外特
加優饒今春所貸義倉屬方粟歲飢容至豐熟歲送

納元和五年已前諸色逋租並放百官職田其數甚廣今緣水潦諸處道路不通宜令所在貯納度支支用令百官據數於太倉請受遭水旱處所損便與除破不得檢覆朕以為理之本在乎安人咨爾尹京宰邑之官實惟親人阜俗之寄必當詢其疾苦奉我詔條當恤隱為心無怠於事罔或徇利以剋下唐書吐剛而茹尋使問井咸安鰥寡獲濟各勉忠孝宜悉朕懷元和六年十月戊寅

遣使賑恤天下遭水百姓勅

編制

勅王者欽若天道惠綏下人脩己以導其和平推心以恤乎韶令災患唐時濟理何莫由斯朕以薄德記于上勵精庶政思致雍熙而誠不動天政或多闕

陰氣作沴暴風荐臻自江淮而及于制襄歷陳宋而

施于河朔其間郡邑連有水災城廓多傷公私為害

損害壞作廬舍浸敗田苗或親戚漂淪或資產沉溺

為之父母所不忍聞興言疚懷良深愧憫夙夜畏悼

于厥心是用寢不獲安食而忘味特加賑恤庶洽幽

明宜令中書舍人奚陟往江陵府及襄郢復隨鄂申

光蔡等州左庶子姚齊梧往陳許宋毫穎徐泗濠等

州秘書少監常韶令咸往恒冀德棣深趙等州京兆

少尹常武往揚楚盧滁潤蘇常等州宣慰應諸州百

姓因水漂蕩家業淹損田苗交至乏絕不能自存者

委宣撫使量與賑給沒溺死者各加賜物仍並以所

在官中兩稅錢物地稅米充給其溺死人所在官為

收歛埋瘞用申測隱以慰幽魂其田苗所損亦委官
一委撫使與觀察使刺史約所損多少速具聞奏於
戲一夫不獲一物失所刑罰不中賦歛不均皆可以
損詔令傷陰陽之和致水旱之沴其州縣應有繫囚獄
訟久未斷決者委所在長吏即與踈理務從寬簡使
絕滯寃貪暴官吏倚法害公特加懲肅因明典憲災
傷之後切在撫綏咨爾方鎮之臣洎于州縣守宰感
宜悉乃心力設法救人以恤凶災以補傷敗庶令安
集式副朕憂勤宣布朕懷使各知悉 貞元八年八月

賑恤水災百姓勅

同前

見唐大詔

勅惠下恤人先王之政典視年制用有國之恒規故
有出公粟以賑困窮弛歲征以寬物力勅惠之道何

莫由茲頃以水諸道水災遣使宣撫中心是屬夕惕
彌勤省覽條奏載懷憫惻用加勅恤以濟吾人應諸
道遭水漂蕩家業淹損田苗乏絕戶宜共賜米三十
萬石所司各據州府乏絕戶多少速分配每道合給
米數聞奏並以度支見貯米充度支印與本道節度
觀察使計會各隨便近支付委本使差清幹官諸受
分送合賑給州縣仍縣令及本曹官同付人戶務從
簡便無至重擾速分給訖具狀奏聞其州府水損田
苗及五六分者今年稅米及諸色官田租子並減放
一半損七分以上一切全放其所米如是支用數內
合應度支及本道以諸色錢物充填並委度支條件
聞奏其兩稅錢所司準舊例處分朕撫臨兆庶思致

和平理化未臻良增寅愧一作畏方鎮守宰職在親人所宜分憂以救艱食必躬必信副朕意焉貞元八年十二月

分命使臣賑恤水旱百姓救詔令作遣使賑恤江淮勅

同前

勅王者立國本于安人暨海隅蒼生不忘弘覆天下至廣咸務寧其或郡國罹災存撫至詔令重發廩蠲賦時惟舊章獻歲布和前聖高躅朕其膺眷命績承洪緒居兆人之上五載于茲推大信以撫萬邦体至仁以蕃庶類夕惕惟勵憂深納隍豈布理猶鬱上玄未感精禋相盪陰陽或愆近者江淮之間水旱作疹綿亘郡邑自夏徂秋雖誠禱神祇無愛圭璧而災流下土虧我生成成逋亡靡依凋瘵斯甚疲倍艱食時予之辜當宁疚懷宵衣興艱閔此求莫臨遣使臣分

命巡行特加存恤往救災患冀安流庸俾免其田租或賑以公廩隨便亟極惠此困窮其元和三年諸道應災水旱所損州府合放兩稅錢米等損四分詔令已下者宜準式處分損四分已上者並準元和元年六月十八日敕文放免仍委中書門下即于朝班中擇人分道存撫其有單貧之戶轉徙未安便以常平義倉所貯斛斗量事賑貸務令存濟副朕憂軫嗚呼方岳長吏朕居親人永言分憂亦惟善政敬哉有土咸悉予懷元和四年正月

亢旱撫恤百姓德音

同前

勅承天理物莫上于愛人謹謝迷弭災必先于咎已朕臨御萬國逮今五年亦常勵精罔敢暇逸誠雖勤

而未字于事澤雖布而未洽于人吳屬建功閔轉屢
稔群生咸若荒服會同將何以答吳穹之顧懷承宗
社之眷佑固宜示以災青警于增脩自去冬已來時
霽微降及此春暮積為備陽宿麥不滋首種未入東
作慮違於農候西成何望于歲儲為人父母甚可憂
憫况江淮之間歉饑相熟屬物力疲耗人心無聊雖
存勅之屬已行而凋傷之弊猶切是用輟食而歎中
夜以興得非刑獄之寃滯未伸貨財之聚斂未息忠
鯁之言未盡達不急之務未盡除有一于此足傷和
氣居高莫喻愧悼是懷爰命禱祀豈答神祇之望空
勤惕勵豈為恤隱之方莫若側身推誠循政務實法
乾坤易簡之理贊天地茂育之仁將以塞違庶孚于

道屬陽和之序呂彙敷榮俯急繫累俾存寬簡其京
城內見禁囚徒犯死罪非殺人者降從流已下罪逾
降一等鐵使下諸鹽院舊招商所由欠貞元二十一
年四月已前鹽稅錢及永貞元年变法後新鹽利經
貸詔作折估錢共二十八萬七千七百五十六貫文
並宜放免除此錢外諸色所由人戶及保人有積欠
錢物或資產蕩盡未免禁身或身已死亡繫其妻子
雖始于冒役而終可哀今宜委鹽鐵使轉運使即據
事狀踈理具可徵可放免數聞奏庶支京西京北諸
院權鹽使并畿內在城諸色所由人戶欠負從貞元
十一年以後至貞元十五年終主保逃亡攤徵保人
并保人又逃亡及身在貧窮非家業見存姦猾延引

者所欠錢物斛斗柴草等亦宜放免亦委度支續具
合放數聞奏諸道兩稅外據合率比來創制敕處分
非不丁寧如聞或未遵行尚有此弊永言奉法事豈
當然申勅長吏明加禁斷如刺史承使牒擅于界內
權率者先加懲責仍委御史臺及出使郎官御史察
訪聞奏夫制事立程必根源本未有上敦節儉而下
有困窮上好豐盈而下獲安輯顧財用之所出念耕
織之為勞自中原宿兵調賦尤廣更脩無名之貢獻
必有藝之征求或稱出于羨餘或稱不破正稅因相
慕倣寢以風革弊立防何切于此其諸道進獻降談
降端午冬至元正任以土貢修其貢賀其餘雜進除
旨條所貢及犬馬鷹隼時新滋味之外一切勒停如

違越者所進物送納在藏庫仍委御史臺具名聞奏

如諸道停進奉後尚務因循或有聚歛亦委出使郎

官御史察訪聞奏致理之本在于簡納由內及外以

示率先昨者六宮內人量已出猶慮內廐之馬其數

稍多委飛龍使等詔令作即深流減省續具聞奏嶺南黔

中福建等道百姓雖處遐俗莫非吾人多罹掠奪之

虞豈無親愛之戀以茲興念良用憫然應緣公私買

賣奴婢宜令所在長吏切加捉搦并審細勘責委知

非良人百姓然許交關有違死者準法條處分朕理

國濟人以義為利務于當者必舉詢其弊者必除其

在卿士叶心岳宣力勉脩爾職以惠黎元慎守彝章

咸悉朕意
元和四年三月三日

賑恤百姓德音

一作賑貸
諸道詔

同前

敕王者本憂人之心有順時之令故及發生之候必弘利澤之規以此惠人期於阜俗今三陽布和萬物遂性唯人之窮乏者或不能自存朕所以愍然省憂議所賑救如聞京畿之內緣舊穀已盡宿麥未登尚不足於食糧豈有餘於播種羽其耕植固在及時念彼徵求尤資寬貸京兆府宜以常平義倉粟二十四萬石貸借百姓其諸道州府有乏之少糧種處亦委所在官長用長平義倉米借貸淮南浙西宣歙等三道元和四年賑貸米並宜詔令暫且停徵容至豐年然後填納編之征既有藝極字毗之要當恤有無苟徵歛之不時則困弊之無日近緣諸州送使錢物回

充上供合送使者使司又立程限所以每至歲首給

用無資不免量抽夏稅新陳未接營辦尤難委觀察

使且以供軍錢方圓借便輒不得量抽百姓夏稅夏

貢詔令作賦有差先乎任土周弊殊等實在使人近日

所徵布帛並先定物樣一例作中估愛納精粗不等

退換者多轉將詔令貨賣皆致損折其諸道留使留

州錢數內絹帛等但有可用處隨其高下納中估物

價優饒與納則私無棄物官靡逋財其所納見錢仍

許五分之中量徵二分餘三分兼納實估足段錢以

準本貸約重輕制之不均遂權百物由是競為蓄聚

漸爽流粟帛轉錢農桑並廢若無鑿革其弊難堪公

私交易拾貫錢以上即須兼用足段委度支鹽鐵使

及京兆府即具作分数條流聞奏茶商等公私便換見錢亦作詔並令須禁斷自定兩稅以來刺史以戶口增減為其殿最故有折戶以張虛數或分產以繫戶名兼招引浮寄用為增益至於稅額一無所加徒使人心易搖土著者寡觀察使嚴如防察必令詣實朕副守丕圖于茲七稔每念萬方所奉唯在一人百姓未康豈安終食故所以賑貸優貸思致乂安方鎮牧守誠宜遵奉如有違越委御史臺及出使即官御史訪察以聞宣示中外明悉朕意

元和六年二月二十八日

文苑英華卷第四百三十五

登仕郎胡柯

鄉貢進士彭叔夏校正

文苑英華卷第四百三十六

翰林制詔十七

德音三

賑恤德音下

淄青蝗旱賑恤

一體賑恤蝗旱諸州詔

編制

門下朕嗣守丕訓恭臨大寶兢兢業業十有三年何嘗不惠下以愛人克己以利物外無畋遊之樂內絕土木之功浣衣菲食宵興夕惕厚於身者無不去便於人者無不行損芳群方之底貢驅時風於朴素將以弘祖宗法制致夷夏雍熙心雖勞於九垓道未進於一取碩惟不德慙歎方深今雖遐邇甫寧忠良叶志五兵戢其銜刃百姓絕其征行勤求理道日冀平泰而去秋旱蝗所及稼穡卒痒哀此蒸人懼懼艱食

是用順時布令助煦育之深仁施惠覃恩法雨露之殊澤其淄青兗海鄆曹濮去秋蝗蟲害牧徧一作甚其三道有去年上供錢及斗斛在百姓腹內者并宜放免今年夏稅上供錢及斛斗亦宜全放仍以當處常平義倉斛斗速加賑救京北府諸州府應有蝗蟲米穀實處亦宜以常平義倉及側近官中所貯斛斗量加賑賜災旱之於撫養尤切眷茲長吏必在得人應遭蝗蟲處史委中書門下精加訪察如有煩苛暴虐貪濁懦弱者即須與贖邦畿之內徭役殷繁言念疲人固資於恤哀北府今年夏青苗錢宜量放一半應遭蝗蟲及早損州縣鄉村百姓公私債負一切停徵候至麥熟即任依前理徵及準私約計會其遭蝗

蟲及早損處準勅添貯義倉每畝一升斛斗去秋合徵在百姓腸內者並宜放免其天下州府貸種量子在百姓腹內者更不要徵閉糴禁錢為時之蠹方將革弊尤籍通商其見錢及斛斗所在方鎮州府輒不得擅有壅遏任其交易必使流行仍委出使即官御史及所在度支監鐵巡院切加勾當兼委轉運使設法般運江淮糙米於河陰積貯以備節級賑救累年以來水旱時有方隅郡府扞軸屢空厚下所以安人哀多由其稱物至於徵歛亦在寬疎應方鎮州府借便度支監鐵戶部錢物斛斗經五年以上者並宜放免天下百姓人吏欠大和九年以前官錢斛斗家業蕩盡無可徵納因繫囹圄動經歲年者亦宜放免

獄之重人命所懸將絕寃濫必資慎恤京城百司及
畿甸見禁囚徒委中書門下差官踈理無使寃滯輦
轂之下法在肅清姦盜竊發理難容舍親仁坊今月
五日賊依前委京兆府左右街使鳳翔邠涇全商罔
華等州切加捕逐如獲頭首準法科斷其餘支黨一
切不問於戲惟此凶災是彰菲德情敢忘於罪已惠
所貴於及人施令布和期於蘇息允厥臣庶宜体朕
懷主者施行

開城三年正月二十日
一作皆唐大詔令

賑救諸道水災百姓德音

一作優卹水災諸州勅

編制

勅朕以寡德臨御萬方宵旰憂勤匪敢自暇然仁未
及物誠不動天陰陽失和水潦為敗致茲災沴害及
生靈江淮之間滌和尤甚當宁軫惕永言疚懷其淮

南道滌和兩州應水損縣據所申奏漂溺人戶處宜
委本道觀察使與本州刺史子細檢勘全放今年秋
稅錢米仍以義倉斛斗逐便據戶賑接一作其浙西
浙東宣歙鄂岳山西鄜坊山南東道並委觀察使與
所在長吏據淹損田苗漂壞廬舍及蟲螟所損節級
矜咸詣實奏聞如沒溺甚處亦以義倉量事賑勅一作賜
其京兆府河南府所損縣即據頃畝依常例檢覆分
數蠲減州縣牧宰各務撫安必令均濟稱朕意焉作
朕用稱大和四年十月九日

朕用稱

大和四年十月九日

一作皆唐大詔令

雨雪賑恤百姓德音

敕朕聞天聰自我人聽天視自我人視朕之菲德涉
道未明不能調予四時導引和氣乃自去冬以來踰月

雨雪寒氣尤甚頗傷子和念資庶毗或懼凍餒無所
假貸莫能自存宵寢中宵一作載懷肝食興歎悚惕若厲
在一作時余之辜思弘惠澤以順時令其天下犯死罪
以下除官吏犯賊及故殺人者餘並特降從流流罪
以下遍降一等應京兆府諸縣宜令以常平義倉斛
斗量事賑恤仍先從貧下戶給其京城內鰥寡孤獨
不能自濟瘖聾跛躄窮無告者亦委京兆尹兩縣令
量加賑恤訖具所破數聞奏躬一作須自省稅務令均
贍其諸道雨雪過多處亦委所在長吏量事優恤於
戲天生蒸人君以牧之朕憂勤政經思致于理言念
赤子視之如傷天或傲余示此陰沴撫躬夕惕余甚
悼焉布告遐邇明悉一作朕意太和六年正月十八日一作皆唐大詔令

賑恤諸道遭旱百姓勅詔今作以旱賑 編制

勅朕承上天之眷祐荷累舊唐書聖之丕圖宵旰兢

唐書勞不敢暇逸思致康乂八年于今而水旱流行

疾疢屢作唐書疾疫作兆庶艱食札瘥相仍蓋德未動

天誠非唐書感物一類失所有唐書過在于載懷罪

己之心深軫納隍之歎宜敷惠澤式表憂勤如聞自

去年以來河東閩輔亢旱為患秋稼不收百姓之中

頗甚窮困人甚窮困今方春唐書之時須務農

事唐書賑救恐至流亡其京兆河南河東河中

等九州府宜賜粟五十六萬石京兆府賜粟十萬石

河南府河中府絳州各賜粟七萬石同華陝魏晉等

州各賜粟五萬石並以常平義倉及析糴斛斗克如

無本色即以運米折給仍委本州府官長詔令作明

作等第差清強官吏對面宣賜先從貧下戶起給其

京兆府太和六年青苗權酒錢在百姓腹內者並宜

放免京兆府河南河中同華陝魏晉降等九州府自

太和六年秋稅以前諸色逋懸除所由車戶已徵得

外在百姓腹內者一切放免議獄恤刑前王攸重苟

有寬滯即傷陽和應在城諸司諸軍諸使應有因徒

速宜踈理限七日處分訖奏聞河南府等八州府勅

到後亦宜准此處分諸色功役非灼然交切者並勤

停省應久早處管內名山大川能致風雨者亦委長

吏精誠禱請水旱之數雖云常理遵化失節亦致咎

災願惟寡昧敢忘克責常叅官及外州府長吏如有

規諫者各上封事極言得失俟有主詔令正期于阜

安咸啓乃誠用致于理無或有隱以忝在公內外官

有貪暴殘酷蠹政害人者憲詔令司宜糾察聞奏朕

為人父母虔奉丕業夕惕若厲夙興匪寧減膳撤懸

庶答天戒咨爾長吏實分子憂勉加撫綏用副惻隱

庶切救災之義爰申為上之懷中外臣寮宜体朕意

大和七年正月賑救諸道百姓德音 編制

敕朕以寡德託于兆人之上雖兢兢業業思理不怠

而政道多闕和氣用傷仍歲水旱黎人艱食為之父

母斯心鬱陶如聞魏博六州阻飢尤甚野無青草道

殪相望及山南東道陳許鄆曹濮淮南浙西等道皆

困於饑疫慮乏種餉其魏博於賜粟五萬石山南東
道陳許鄆曹濮等三道各賜糙米三詔令萬石充賑
給委度支逐便支遣仍各令本道據飢乏之處賑給
淮南浙西兩道委長吏以常平義倉粟賑賜應諸道
有飢疫處除軍糧積蓄之外其屬度支戶部斛斗詔
作雜並令減價出糶以濟貧人其有牧宰非才貪錢
為害及承前積弊須有條流或究獄名滯速宜踈決
者並委觀察使糾察詳訪具狀聞奏用弭天青以副
朕焦勞之慮焉大和九年三月二十九日

賑恤江淮遭水旱疾疫百姓德音

編制

門下朕以寡昧嗣守睿圖奉列聖之丕訓撫寧四海
受膺一作膺上天之景命司牧兆人敢忘勵志勤身虔恭

寅畏雖動思罪而陰陽屢憊每念惠人而蒸黎尚困
是由正教無素王澤不流精誠未達於玄穹災沴遂
痛於下土是用中宵輟寐未明求衣言念及此良深
愧惕近者江淮數道因之於水旱加之以疾癘流亡
轉徙十室九空為人父母寧不震悼此乃天之垂誠
咎實在予災灼于懷夙夜增惧當宁興歎遂命使臣
乘駟撫巡便宜救恤減上供饋運發諸道倉儲免積
歲之逋租蠲逐年之常貢尚思災疫之後閭里未安
須更申明用示優軫應揚潤廬壽滁和宣楚濠泗光
宿等州其間或真元以來舊欠逋移後闕額錢物均
攤見在人戶頻年災荒無可徵納宜特放三年待稍
稍完復却即令依一作仍舊或逋懸錢物斛斗數內先

已放免度支却徵收者宜委本司細詳元勅應勘如合放免不得追徵或先因水旱賑貸欠常平義倉斛斗若終不可徵收亦宜放免或今年合徵兩稅錢物量百姓疾疫處各委逐州準分数於上供留州留使三色錢內均攤放免或收管諸色通縣錢物等年月深遠但掛簿書空務追徵益生勞擾宜委有司速勘會了絕蠲放不得留為應在以資姦蠹之徒其濠泗宿三州大中六年以前所在逋懸亦宜放免或以常平義倉斛斗賑恤者宜委本司收破其賑貸者即待秋熟慎納其所減上供運米及州縣諸色斛斗等已令減價糶貸救接百姓用止翔責濟凋貧或每年進奉苗草藥物紵練貢布等亦已條流節級停減已前

諸應蠲免鄴自等或已行勅命或見勅條流委中書門下各令本州及本司速準此處分仍具分析聞奏所有諸道放免事件宜委州縣於鄉村要路一一榜示遍令問閭分明知委又以數道疾疫百姓流亡永言宵旰之勤豈務珍革之貢其淮南宣歙浙西三道今年賀冬及來年賀正所進奉金銀錢帛宜特放免均融仍各委本道觀察使據所放均融代貧下戶填納諸稅其逃亡戶如賑恤使有所不諸者亦以此更宜濟助務令蘇息又江淮數州水旱相繼安南一境寇擾初寧公用之間必當虛竭但緣及時錫賚須遣使臣其淮南宣潤安南等四道今年冬依使本道合與常例人事特等亦宜權停於戲天災流行自古來

免屬在牧宰為吾撫安豈無惠育之方以濟凋殘之弊如或守法不謹吏緣為姦紀律乖訛刑罰一作法一作踰濫重繫者因循不省逮捕者追擾茲多或征賦不均或徵科無算有一於此重困吾人即何以銷弭災譴用康疲瘵宜委所在長吏慎恤刑獄踈決囚徒必務躬親俾無冤滯檢轄暴吏徵殿慢官寬常賦之征罷不急之務詳求利病悉以奏陳顯佇良規用副憂寄苟不遵詔旨尚務侵欺必正刑書議無容貸宣示中外宜諒予懷主者施行

大中九年七月十三日

一作皆唐大詔令

文苑英華卷第四百三十六

登仕郎胡柯

鄉貢進士彭叔夏校正

文苑英華卷第四百三十七

翰林制詔十八

德音四

招撫德音

長慶元年德音

詔令作討鎮州王廷臻德音

元稹

門下朕嘗讀玄元書至於佳兵者是樂殺人因念自孩名之逮于羈非不三十年不能為成人豈忍以一朝一念驅而殺之然而田弘正首以六州之眾歸於朝廷開先帝之雄圖變河朔之舊俗除去苛暴昭宣惠和愛人如身養士如子拊循教訓必以忠孝為先是以前魏之師徒一年而知恩二年而知禮三年而相與讓於道矣故南征淮蔡東伐青齊北定趙地元勳茂績皆自魏師肆我憲宗付之心曾入則輔弼出則

藩宣推誠不疑近實無比顧朕小子獲受丕圖嗣守
 不違何暇恢復而承元青觀冀部擇才苟非勲賢不
 敢輕授是用咨我元老臨於是邦而又寵諸將以懋
 官加三軍以厚賜集作賞復其租入惠彼蒸黎於此一
 方之人可謂無有不至而梟音未革狼顧猶存忍害
 忠良咨為殘賊臨軒震悼撫几驚嗟天乎不仁一至
 於此朕下為君父上奉祖宗毀舟擲於鯨鯢啗股肱
 於地豕尚欲因循忍耻黽勉偷安非唯傷心於田氏
 之子孫亦將何顏謁先帝之陵廟人神共憤卿士叶
 謀咸願誅夷用伸冤痛便合吳師進討以剪奸宄尚
 念一軍之中豈無義軍倉卒變動必非眾謀苟得其
 魁餘復何罪集作首得罪宜令魏博橫海昭義河東

義武等軍各出全前軍以臨界首仍各飛書檄具

諭朝旨如王庭湊能執首謀為亂扇勲三軍者送付

憐道或就鎮州處置然後束身歸朝必當昇集作獎

授三品正員官并與實封二集作百戶其餘三軍將

士一切不問其中大將等或有能相勸諭翻然改圖

者各隨事跡便當集作寵擢如王庭湊仍遂迷不寤

諸道宜便進軍以特剪滅苟不得已至於用師其有

効忠則宜懸賞如有能梟斬兇渠者先是六品以下

官宜於三品正員官先是五品以上官節及升進仍

與實封三百戶庄宅各一區錢二萬貫以一州歸順

者便與當州刺史仍賜實封二百戶如先是本州刺

史以一州歸順者升集作超三資與官仍賜實封三集作

百戶以一縣歸順者升集作兩資與官仍賜實封一

百戶如有能率所管兵馬及集作以城鎮來降者並

升集作三資與官仍賜爵實封一百戶賜錢一萬貫

以身降者亦與轉改仍賜錢帛應赴行營將士如有

能梟斬兇渠者亦準前例處分其有城鎮將士百姓

等守郡拒賊身死王事者各委長吏優給其家仍具

事跡聞奏當加褒贈其有潛謀誅斬渠魁被其屠戮

者宜便集加加追贈并賜錢帛仍與一子官諸軍所

至不得妄加殺戮及焚燒廬舍掠奪資產并有拘執

以為浮馘其管內州縣有能自置義營堡柵王師所

至能相率來歸各加酬獎時當秋候務功農功過界

之人懼廢耕織應緣軍務所須並不得干擾百姓如

要車牛夫役及工匠之類並宜和雇須各情願仍給

價錢賊平之後應立功將士並與升集作資改官節

級賜物其長行官健歸降者亦當優厚褒賞幽陵變

擾誠集作謂亂常以其旁及詔令實察有異上加白

鉉校其輕重示以集作招携尚開迷復之門用廣自

新之路如聞賊中文牒妄作異端皆云集作朝廷徵

兵欲戍邊塞此皆狂詐扇動人心既今邊上甲兵足

以備禦欲令知悉集作故重宣明仍委所在即時集

將節以此告諭者昔克舜之俗比屋可封虞芮之人讓

畔可感仁義則水火可蹈忠信則蠻貊可行由是言

之亦在化之而已逮我長理何其遠哉豈朕之滿假

荒寧自聖而不可教耶將朝之魁梧骨鯁自持而莫

之亦在化之而已逮我長理何其遠哉豈朕之滿假

我念耶二者之未皆朕不敏自省終夕其心浩慊作
然於宰封域之中干戈作矣廊廟樽俎無忘弭寧布
告朕懷以須良畫主者施行八月十四日

長慶二年德音

一作破計

編制

勅天下者務安於

女作於

遠邇

致康濟者資懷於

於懷

兆人朕統馭萬邦式敷王度任藩方以俾乂冀干戈

之載戢虔恭惕勵

勵一作

未始慙妄惟予是心布乃忠

外昨者夷門逆將遽遂

與師

帥一作夷門

遂

蒼黃變生

士庶無告逆賊李齊驅掠忍害流離毒痛

疑作

在浚

之郊若昇將翼逼脅我軍士盜竊我戈延驅馳外坰

敢肆蜂蠆朕所以丕

丕一作

降明命未即誅夷

行一作未

容其革心以俟

迷復蓋以一方

輟念三面開羅將弘

愛物之私用表好生之施而臬音恣醜狼顧憑堯危

巢已焚禽息猶若光顏韓克曹華知具等感激忠勇

揮戈誓師雪奮鼓旗所問風靡逆黨殲殄郊原霧清

熊羆之師漸及摩壘夫疾風斯來勁草方辨熾火將

燎而良金益明果聞義烈之臣奮起轅門之內一揮

斬首三令無喧嚴城洞開以候來師永言忠効是錫

寵章其臬斬逆賊李齊宣武軍都知兵馬使李質已

從別勅處分忠武兗海武寧鄭滑等軍將士等感主

師之忠誠忘身赴敵視寇讐而忿嫉決命爭登高承

簡以睢陽一郡之師當虵承奔衝之勢咸能勦其醜

類如劉草菅各振軍聲用宣威略其忠哉兗海武寧

鄭滑應赴行營及宋州將士等並

一作非鄭級各有賞

物已別處分支遣給一作委本軍據功勞額例給散軍
歸還之時仍加晏勞服念彼無辜墜茲塗炭橫為凶
校驅脅傷夷其汴州管內州縣官吏軍鎮健及諸色
職掌人等頃懼劾行自拔無由撫事量情亦可矜恕
除同惡巨蠹者其餘一切不同仍加榜示如或妄有
恐嚇言告者科其反坐之罪干戈整具里同心害眷
言農畝是廢耕桑其汴宋鄭三州懼此克逆士馬屯
集供給億一作併繁雜事乃旬狗一作時而人亦勞止予
懷軫念豈忘優矜其三州府界一作內有兵馬所到縣
百姓或驚擾處宜於今年秋稅內三分量放免一分
仍委州縣長吏切加綏撫其賊中雜差照子弟夫役
並宜放還鄉里俾安生業其中有不能自存者量事

優恤應百姓中有被分外無名賦斂者並當勒停義
士忠臣見於死鄴賞功褒美冀及殤冤惠恤其孤庶
明報効官軍有陣亡將士等并李宥為亂已來有潛
謀効順誠節可嘉并因此遇害者並委本道一作軍審
勘具名銜事跡申奏當與甄獎及加褒贈仍令本軍
優賞給一作其家三年不停依糧并委所在州縣速為
收殮量事致祭其將士有因戰陣傷損尤甚以至一作
殘廢者各委本軍厚加優恤仍物停解掩骼埋皆國
之令典迫於克醜成可傷嗟念亦本亦其本吾人蓋
亦事非獲已經戰陣處所有賊中遺骸委所在州縣
隨事收瘞勿令暴露於戲弔伐之道予遵格言靖寇
安人豈忘終日朕載棗弓矢思保黎元而雨露所均

勳植所繫一夫竊歎朕每與懷况茲浚郊都邑之會
所以慎擇將帥期於乂安今寇孽已清封壤寧息師
之所處用軫予衷將申宥恤之恩庶息瘡痍之後布
告中外咸使聞知八月二十五日
一作皆唐大詔令

叙用勳舊武臣德音

編制

勅朕聞招德示威先王所以用武禁暴夷難後代安
能去兵故文德誕敷武備宣耀外以環禦四海內以
底靖中原則軍旅之制有經師律之能必表朕纂承
鳴業虔奉丕圖宵分永懷何以康濟豈獨鼓鞞有感
方思將帥之臣征伐為心乃寵干戈之事况文武並
用古之格言勳舊不酬勞者何勸惟我高祖太宗以
晉陽之旅平一海內肅宗以靈武之衆收復二京代

宗有陝郊元從之臣德宗有奉天戡難之士每念勳
伐無忘寤懷如聞近日武班之中淹滯頗久雖負才
略無由足一作是明又有諸道薦送大將或隨節度
歸朝自今已後宜令神策大將軍軍使及南衙常參
武官各具由歷授官年月前後功績一作勳牒送中書
門下若勳伐素高人才特異者候有相當用處即具
名聞奏量加獎擢其常參武官資考深久未得遷轉
者準具真年月與改轉不得令有滯淹其先授一作受
文官者亦宜準此使幕賓寮皆有年限一作代改轉軍
府一作將大將豈可獨不序遷自今以後諸道節度都
團練經略等使下各隨本處是大將名目已曾授監
察以上官者並限三週年量與改轉如有功效合非

時與改轉者不在此限其職名是兵馬使都虞候押
衙以上前後並未曾奏官者亦仰量績効奏官轅門
委質營壘分師有役干戈無由耕稼稼一作穡况自天寶
已後屯兵七十餘年皆成父子之軍不習農桑之業
一朝罷歸壘畝頓絕衣糧言念飢寒深用嗟憫應天
下節度都團練防禦經略等軍所置兵數各委本道
據守舊額以度一作為定數不得輟有減省其有逃亡
病死及過犯解退當時揀擇有武力藝能者添補奮
於行陣決命殞一作損軀不顧危亡每嘉忠烈官健有
死王事者三周年不得停不分衣糧如有父兄弟
試其武藝堪在軍中承名請衣糧者先須收補孝本
安親深惟一作惟深養老用敷恩惠以慰耆年應軍將及

官健有父母年及九十以上委本道本州每至節歲
量與酒麪優養守塞備邊困不可廢煙塵既靜亭陣
無虞諸道舊有防秋兵馬已在邊上者自衣年限替
代近者師旅屯集饋餉頗多不免於諸道留州留使
錢內每貫量抽二百文以充國用幽鎮既已洗雪供
費亦漸有常其河北諸道及山一作河東兗鄆淄青汴
宋陳許徐泗澤潞河陽鄭滑等道并邊上諸鎮並不
用一作得抽刁斗晨嚴烽煙夜警勤勞沙塞寒苦邊陲
其沿邊鎮戍烽子等並委所管節度及城鎮使量與
優賞仍與文番上下使其勞逸得均使命往來本於
傳達軍期警急遂至繁多非唯郵傳不供抑亦號令
難一自今以後應緣山東行營兵馬未歸本道以來

進退事機並宜轉委節度仍仰條流舊弊一一奏聞

除事關迫急一作切須遣專使外其餘書詔文牒一切

分付度支入逆發遣制使中使到諸道行營不得輒

受人事錢帛情一作錢物及行非禮鞭扑當加訪檢一作察

義不優容權筦之設誠為救弊隨方適變所貴使人

其河南河北鹽法宜委鹽鐵使與本道節度使審○

計會商量務以便人為法閱習土宜則通吏理既因

試効可驗政能應河北諸道宜委觀察使訪管察內

見攝官中如有實二字一作或清強有才能課績者具前

後所攝年月并事跡聞奏當與正一作改授從政之方

必原風俗視人相土乃合所宜弛張在達於無私法

令所期於不擾一作應河北諸道并鄆兗青等道應

有新舊科條有不便於人不宜於俗者委宣慰使與

所在長吏商量廢置務從人欲於戲朕載天子人操

執重器不以四海之富而恃其力每以百姓為念而

兢于心慮文教之未敷思武備之多闕所以輟食當

宁求衣未明揣摩萬機寧止三省頃以馭一作御字之

歲藩方又安委于廟謀以輯軍正而有司不達苟以

惜費為心致茲停減之名無裨毫釐之用使軍中老

幼愁歎無歸朕博聽群言用革前弊舉其指一作旨要

冀叶群人一作情度乎侯伯列城典我師旅勵精撫士

用副憂勤中外布宣明知朕意

長慶二年三月一日

一作皆唐大詔令

長慶三年德音

一作敕鎮州德音

目前

門下仲尼有言詩云執轡如組審此言可以為天下也蓋為聖人組脩其身而成文於被故伯益贊禹則曰滿招損謙受益所以服有苗夏后啓亦云吾德未至教未善故能克有扈苟齊俗以禮化人以躬尚可感於神明柔於蠻貊况累聖遺教昇舊平風堅金在鎔惟人之所鑄猛獸在押由人之所馴因而撫之敢忘前訓朕以菲德纂承洪緒屬先皇掃刷中寓康濟兆人八表晏然五兵感息常兢懷於繼述思致理於和平豈以樂戰為心佳兵在念而鎮州以承宗云亡自歸誠疑幽州以留總墾志願釋兵符相繼承同無思不服非朕勤於遠略力以致之亦既綏柔咸加需澤不愛金帛以惠於戍土不怯爵賞以寵其徧裨復

以一二台臣掌推謹厚

一作愿

庶將朕志以靖方隅而

佚於既安莫能思患曾未累月旋聞叛離朕亦欲因

其人心命將與師顧念弘正盡忠先朝身嬰陷

一作代

害受於

一作家受

屠戮為之元首能不痛心是用下制先

申告諭求其兇惡冀釋幽冤仍令四面節制各守封

境不欲遽加誅討所望自効忠誠而將士等懼罪以

相以保王庭湊為衆之所迫固其封壤捍以兵鋒每

聞戰爭永念黎庶為之君父又何忍乎是用輟食忘

寢晝夜萬慮恭惟烈祖之訓必用兼愛之心務以安

人為國本不以窮武為威力顧予寡昧敢忘遵承為

追念而

一作以

與師已極君臣之分為

一作以

軫憂而捨

罪豈非帝王之道况王庭湊倉卒之際固

一作本

非始

謀接之以恩榮自當展其志義委之以戎鎮必冀効
勲庸禍福無門行之則是施張在我用亦何常苟推
信誠便保忠順苟得其衆孰非吾人擢而任一作之
式示光一作寵宜特舍雪仍授檢校右散騎常侍兼
鎮州大都督府長史御史大夫充成德軍節度鎮冀
深趙等州觀察處置等使應成德軍將士官爵一作
一切依舊待之如初仍令兵部侍郎韓愈充宣慰使
於戲朕於彼三軍惠非不至於彼闔境思非不周今
弘寬大之典以應陽和之令使離散者見親愛者樂
暴露者歸室家之安各宜感悅以就寧泰布告中外
朕意焉主者施行一作皆唐大詔令

朝元御正殿德音

勅朕以寡昧獲守重器兢勵一作厲一作畏惕于茲五年皇
王之事罔不脩備而大典有關舉而補一作行一作之粵以
元正朝御一作于正殿百辟咸序萬方未庭思欲推至
仁以布和奉天時以一作施令况上玄貽慶聖垂休
輔于序躬以至寧復思與臣庶同被慶靈俾茲內隸
亦洽流澤自今年正月一日已前犯死罪者並降流
從流罪以下遞減一等其故殺官典犯贓犯十惡者
並不在降等之例左降官未曾經量移者與量移近
處流人各據本年限與減一年如本限止一年者放
還朝賀之禮國之盛事肅恭班位敷贊威儀俾申慶
賀以示弘普其應元日緣朝賀行事官三品以上賜
爵一級四品以下加一階文武常叅官并六品以下

及宗子應陪位者并諸道賀正使各賜勳一轉先已
至上柱國者任迴與周親諸蕃陪位賜物有差今兵
革甫寧典常未一作粗舉雖慙至理可謂小康唯水旱
猶虞黎元一作黎益重困公私蓄積頗有未豐宜令諸道
觀察使刺史具當處利害其有弊事可革有便一作益
於人者并言何術可以漸致富庶附驛以聞亦不用
專使詣闕以為煩費其封畿之內百姓利病念一作委
京兆河南尹具以條奏於戲束帶立朝必資忠謹濟
時利物式佇謨猷其文武百寮各上封事極言得失
無有所隱如有事可施行者便委中書門下量加獎
用朕以執契馭時任賢興化孜孜一作至道期致大
和凡在臣寮宜悉一作知此意長慶四年正月一日

一作皆唐大詔令

文苑英華卷第四百三十七

登仕郎胡柯

鄉貢進士彭叔夏校正

文苑英華卷第四百三十七
登仕郎胡柯
鄉貢進士彭叔夏校正

德音五

征伐德音

伐劉闢德音

詔令作招諭
劍南諸州詔

編制

門下朕聞皇祖玄元之誠曰兵者凶器也不得已而

用之恭惟聖謀舊南書常所祇服故雖唐書文告有

至誠信有所未孚姑唐書務安人必能忍耻朕之此

志亦可明徵近者德宗皇帝舉柔服之規授宰衡之

傑詔令弘我朝勝遂康巴庸故得南詔入貢而戎寢

患成績始著詔令元臣喪亡留闕乘此變故坐邀符

節朕以枉成唐書命者雖乖於理體從權便者所

冀於輯寧境遠卿士之謀遂允僥求之志朕之於闕

息亦弘矣曾不知負牛羊之力飽則逾兇鬼梟獍之

心馴之益悖誑惑士伍圍逼詔令梓州誘陷戎臣塞

絕劍路師徒所至燒掠唐書無遺干紀之辜擢髮難

數朕為人司牧育唐書彼黎元在詔令闕之罪非朕

敢舍是用叶羣率之謀除百姓之害永清祆孽底定

一方伐罪弔民於是乎在其逆賊留闕在身官爵並

宜削除今王師鼓行尋濟天檢梓潼城守已解攻圍

壓切注營坐看撲滅其西川將士如有乘此聲勢翻

然改圖梟斬兇魁以効誠節者必當特加爵秩高位

重賞朕無愛焉其餘將吏等但能去逆効順以所領

歸降者超三資授官以一身降者亦與改轉長行官

健歸順者並與叙祿仍加賞給其西川管内刺史等

當其阻亂孰克靜柯雖章表未通而衷誠可見今能
歸疑亦仍舊戢如或乘立効因事建功並特加酬賞
務極優厚夫皇王之道弔伐所加義在除殘情非樂
戰故脅從罔理必誠於祖征焚溺是哀俾與於後怨
禁暴止亂其在茲乎况有跡陷克徒心非黨惡歸我
無路遂至淪胥言念斯流尤深軫惻所以明諭將帥
罪止渠魁其餘染汙一切勿問布告遐迩咸懷朕意

詔令作宜悉朕懷
元和三年三月

招討鎮州王承宗德音

編制

門下天地以大和一作德煦物而高秋勵殺之威帝皇
以至道育人而前王設誅討一作四訓之典於是乎有叛
泉之役有丹浦之師一作威情豈佳兵義存禁暴朕嗣

膺寶曆於茲五年以惕厲居于人上以仁恕撫于天
下恭惟文祖之訓敢以武功為先昨者吳蜀興祆師
徒猷捷朕每念陳原野之衆行鉄鉞之刑雖舉憲章
頗有懷一作慙德蓋不獲已豈樂於斯王承宣頃若苦
盧潛窺戎鎮而內外以事君之礼將唐書作送非而必誅
分土之義專則有辟其先祖甯有茂勳貸以私恩抑
於公議使臣旁午以告諭孽童俯伏以陳誠願猷兩
州期無事貳朕有收其後効用以曲全授節制於舊
疆齒勳賢於列位况德棣本非成德所管昌朝又是
承宗懿親俾撫近隣斯成厚澤外雖兩鎮中實一家
而承宗象恭懷姦宵貌稔禍欺裴武於得位之後縲
昌朝於受命終之村狼心之飽之而餘發梟獍之性

養之而益生唐書加以表疏之間悖慢斯其神祇所

以有不捨祐作天地所以有不容智士所以奮懷義

夫所以興憤式遏亂略期於無刑龔行天誅示於有

制其諸道諸軍進討兵馬已從別勅一作處分王承

宗在身官爵並宜削奪其鎮州管下一作將士官吏

等久在戎行未知朝典或陷於邪說或迫以克威雖

有忠誠無由自達但能効順即是正人上惟自新一作

惟豈當加寵渥其有回戈殄一作寇因事立功特有

褒崇不拘資次貴爵厚祿設之而高懸實封名藩待

之以茂賞其以一州歸順者便與當州刺史仍賜實

封二百戶如先是刺史以州歸順者超三資與官仍

賜實封三百戶以一縣歸順者超三資與官賜仍實

封一百戶其長行官健歸降一作者亦當一作優厚

褒賞如將校內有讎然改圖梟斬元惡者援以不次

之如初一切不問仍賜舊官爵別加寵授九字仍準

授爵寵於戲王者之師蓋除於暴亂上戈之武豈願於

傷殘而承宗不能負荷舊勳祇承親命自貽其咎寧

怨於天函一作此與戎至於用月而不可有無貳為

首是乎在其逆賊除百姓之害足一方大罪之因非

素意用群于懷百歎萬方宜諒朕志宣示中外咸使

知聞元和四年十一月

討王庭湊德音一作 編制

門下雷霆雪霜上天所以成物明罰飭法聖人垂之
易象豈春陽不可以不化將輔理固在於威刑乎則

過亂禁非法天齊俗諒有為而然也何則三綱五常
王化之大本彰善瘴惡國經之大方君人者苟不提
此柄以示天下是納人於陷穿導俗為豺狼而欲家
固人安止和下順猶北轅而適楚也李同捷罪暴褻
宇告之則悖寵之益凌亂君臣父子之紀綱弃覆育
生成之恩義則綏討之命蓋不得已焉而王庭湊為
一作我藩臣久膺寵命致爵位於擾叛之際齊恩澤
於忠義之倫贖過圖功宜百群師而首扇同捷使起
自墨纒黨惡之心劇於武兇負德之醜逾于一作梟
獍驅忠義之旅以援兇渠率悅順之人以侵陵壤藩
方統帥飛䟽互未朝右公卿懇章繼奏皆期鳴鼓問
罪奮戈啓行候道希包荒志在含垢多端曲護大開

坦途諭之使致竒功告之將酬重位顯招密示仰義
降心繼馳信臣累諭深旨而傲狼弥甚兇肆不悛飾
一作刑一作惡言於布一作報章資盜糧於狡寇拘四鄰忠信
之使堅一境大襲之謀於逆堅為輔章絕舊勸於姻
好屢有降卒備驗姦蹤潛軍入援一作德棣縱燎以
焚瀛莫河東易定被毒蚤然憲誠從諫見侵相繼加
以猜戮無辜安忍逞欲有族坑屋誅之令極剝下僭
上之圖井邑啣冤道路以目自頃美其迷復未義加
刑但令閉境猶希補過而乃大舉將卒期覆定州取
怒人祇迎風尾解稔慝構亂並宜削奪應諸道州鎮
一作與鎮州二字接界處各宜遂便攻討其品正員其先是
五品已上官者節級超獎仍賜庄宅各一區錢二萬

貫兼授以土地及賜實封如有能率所管兵馬以州郡來降者超兩咨與仍賜錢五千貫如先未有官者即將授三品四品官如以一身降者亦與改轉仍賜錢帛其諸將道士有因事立功能梟斬廷湊者亦準前例處分成德一軍山東所賴扼制徑險控東河防武後之極橫流承元之變旧俗言念誠節何日何忘智知父兄見劫妻子為賀悃側之忘朝夕在懷當無款謀自致恩外昔光武存大信而捨朱鮪魏祖推至誠以納張繡非無故事朕不食言如庭湊能來身歸朝並與洗雪若執迷安禍罪止其身其餘脅汙一切不問縱有跡涉逆節事出一時劫於兇威並從寬宥四州之內如有謀為而順屈於岳成家族無幸殘酷

所及者宜優加贈追并賜錢帛其有子孫得脫免委四面郡度切加擾搜訪當議與官四州管內百姓久困冤雪橫罹脅制念同罪子莫匪吾人諸軍所父不得妄加殺戮並焚藝虛捨暴掠才產及有拘繫以為繫囚四州四州百姓久生業如有歸投各宜存撫老弱丁壯量加優恤仍給與空閑田宅使之如歸事平之後願還本貫亦聽於戲原野陳師雖前王之不免干戈屢動諒菲德之所與孤我須尚良深憮然咨爾輔弼之臣既于藩守群爾師尚悉乃心力匡弔寡昧經遠猷以端理本恢上略以連戎功庶政以康中邦明大教以昭昧俗宣示內外俾知朕懷

破李同捷德音

編音

勅王者誅暴亂弔傷殘明賞報功極弊緩衆蓋為邦之大紀也李同捷頃自先朝擅謀專土輒抗成命私行墨縲暨朕臨御實思含垢授之以宥海諭之以詔書使臣相望克志自若而更挺袂結黨劫衆阻兵毒流無辜害被闔境繇是藩臣潛詔令墾歷卿士獻規至于興戈諒非得已自元戎環環王旅進攻仰窺危策颺振蒿業動必乘彼詔令機會退皆扼其咽喉故戴啓入郭之殊庸李祐展下城之勝略累檢逋寇一朝削平此誠天人合符中外叶力永言勲効無忘悟思其戴義及李祐應加爵命并幽州及齊德兩道在行營立功將士各有賞賜并已從別勅處分其賜物仍

委度支逐便速與之遠仍命使臣分往宣慰各於當處厚加晏勞其立功軍將未經寵授者委戴義李祐即差次等第速具奏聞即有甄獎用答勲勤李同捷力屈計窮方圖轉禍朕好生存信初議貸行而面縛在途陰懷狡計夜縱火號潛誘家僮更謀網僮更謀網漏自速木獻憫被兇魁坐阮家旅故滋貽戚戴軫于懷其母孫氏妻崔氏并男及家口等並宜持縱寬宥令於胡南管内諸州有空閑處安置其歸降將卒不涉翻復者委戴義倉李祐審細着勘責各與衣量分配驅使其滄景等州將士有謀執兇黨竟遭誅咸夷雖被劫致能全名節者並委李祐安實条奏量加贈錄其滄景德捷等四州百姓有是近日被賊黥名

團結者並於歸營農除非除同惡相濟以死拒命者
餘一切不問四州百姓又陷汙俗每懼威震莫非吾
人今既脫南當施德令並宜給復一年不能自存者
量給種食其刺史縣令仍為中門書下慎擇循良俾
加存撫應諸將校自經戰伐或致死亡載念捐軀良
深憫歎並委戴義李祐審加勘定具名銜是跡申奏
即與褒贈其長行管捷陣亡者並令所在長吏量與
收葬同為際酌其有家口在者各委本軍優恤仍三
年勿絕量賜其有因中矢石遂至殘廢者各委本軍
厚家存仍給衣糧終身勿絕勅旨有未該者委戴義
李祐比類更作條件奏問其昭義義武等軍行營在
賊境者此相倚角皆有功勤各別有處分於整馭師

除害義切於安人撫俗策勳道存於布澤爰申彝典
具又新邦咨爾多士宣悉朕意

大和三年五月

討鳳翔鄭注德音

編制

門下王者之御天下也推至誠以格物委大信以任
人故能邦家用寧上下交感所以詔爵祿而不悖待
臣下而無疑豈謂變起股肱患生毗倚鑿寐與歎難
弭于懷且貪德背恩干紀悖戾而古今未有能濟者
蓋人神之所不容逆賊鄭注氣本兇注志懷姦逆害
時蠹致卜射張皇行詐而經迷錄一作術多端躋貸而谿
壑難滿情惟點白口可鑠金罔冒包藏為惡滋甚朕
九重之內不得備聞擢於妄庸聚列華貫入司喉舌
出搃瓜牙唯務廢妄不思報國棄生成之恩義亂君

臣之紀綱稔慝興祆前古未有罪同梟獍法在必誅
况詔旨既追已離城堞一作邑憐謀且敗中路遽迴又
延邈使人迎接逆賊李訓稽之固憲豈追常刑其鄭
注在身官爵並宜削奪將士如有能奮揚義勇執戮
渠魁者先是六品以下官者便授三品正負官其先
是五品以上官者即級超獎仍賜庄宅各一區錢二
萬貫如有能率所管兵馬以州郡來降者超三資與
官便政授岳收仍賜錢帛諸道將士雖各守疆土非
為進改如被侵掩因事立効者亦準前例節級處分
賊如能知義悔過束身歸朝並與洗雪仍加寵獎幽
明可鑒朕不食言但有款誠自通既委諸道與奏若
不能悛悟自取諸夷罪止一身其餘脅汙一切不問

其有迫於兇威曾著失節顧存家旅事出權時待其
平寧並從寬宥將士如有潛謀立功效順被其屠戮
並優加追並賜賜錢帛仍與一字官應州縣百姓陷
在暴虐莫保性命誠可哀矜諸軍環境不得妄家殺
戮并焚燒一作焚廬舍掠奪資產及有拘執以為桴囚
如有歸投者委諸道處丁壯老弱量加優卹仍給與
空閑田宅便一作使就生業事平之後願還一作歸本貫
者亦聽鳳翔一軍素著忠義每臨霜雪之際實見松
筠之心凜然義風簡在朕志其大將及軍士并宜坦
懷自處勿以為憂兵革既平寵待如故鄭注初到鎮
日間有優賞軍將士常例不足為州縣百姓亦當給
復勉於自効以保全國於戲佳兵者聖祖之所誠文

德者前哲之所崇肆予寡昧敢忘丕教然以奔庶方者號令立人紀者君臣斯言苟違大倫安設今則絕其奔軼示以申嚴懷柔誠貴於止戈執惡何慙於用武布告中外咸知朕意

一作懷大和九年十一月廿四日

一作皆唐大詔令

文苑英華卷第四百三十八

登仕郎胡柯

鄉貢進士彭叔夏校正

文苑英華卷第四百三十九

翰林制詔二十

德音六

誅罪德音

破党羗

一作平党項

德音

編制

門下冒濫干犯豈限於華夷伐罪弔人固謨於典訓朕端拱御寓六年于茲兢兢業業不敢荒怠一作常怠忽恐一物失所群心靡寧肝食宵衣思底于道屬者以党羗客為侵叛侵尤苦農商朕為人父母豈無憫惻雖傷財害物非朕躬之願而禁暴定功實武經之要是以爰興師旅恭行天討而兇渠稔惡稽曠歲時宿既勤物力將屈賴宗社儲社中外叶心大搜妖巢盪定閔隴誠殫財而凋力亦暫費而永寧今則軍功已

誠制置將就息戈解甲固在及時縱捨捨一作晁緩刑所
 宜布澤南山党項為惡多年化諭不悛頗為邊患既
 興兵士經歲討除拒官軍者悉就誅擒懼法令者皆
 從逃竄大開陽網已施去殺之人遠並克時寧限可
 封之屋今聞殘寇無所依國皆是主人豈忘惻憫其
 南山党項已出山者或聞迫於飢乏猶行劫奪平夏
 不容無處居奉今委李福且先遣蕃官安存招秀令
 就夏銀界內指一空閑田地居住所有從前掛淑惡
 跡者今一灼不問唯再犯疆界劫劫一作却入山林或不
 從旨揮即召募平夏党項精銳者討逐議不容捨如
 能革心向化願同平夏即須輸一作誠獻疑跡効分明
 撫馭之間便同赤子如有屈事即任於本鎮投狀論

理人合令本界遣了事軍將安存平夏党項素聞為
 善自旬月已來發使安撫尤見忠順一如指便一作更
 不猖狂各守生業自茲必永戴恩信長被華風或聞
 從前多懷貪剋部落好馬悉被誅無故殺傷致令怨
 恨從今已後必當精選清廉將帥撫馭羗戎明下詔
 條漸令知委靈監夏州邠寧鄜坊四道官吏自用兵
 以來責辦公事亦甚辛勤軍將皆已得官文吏未酬
 勞績宜令每道揀選公勤有勞効官吏具名聞奏有
 官者與依資轉遷無官差攝官當與正者仍具差攝
 年月申奏直須公當不得轉受囑託如是將帥親情
 亦須具言四道百姓徵斂不時差役至多疲瘵亦甚
 或聞屋宇被賊焚燒至於桑麻亦遭斫伐生業既失

須加安存宜各給復三年其有無屋可居無牛可種
 者委長吏量事接備二奏聞仍須早設法詔携令各
 歸復勿令豪富便占產業為主自用兵已來諸道應
 徵發之處所有獎健或沒於絳刃或存被重瘡瘡一作瘡
 雖經褒贈之曾優恤委本道京加存撫或自因廢疾
 不刃在公者終身不停衣糧如精願回與子孫兄弟
 甥姪者便與補替應討伐党項諸道在行營將士已
 頒賞賜俊候一作候邊上制置有叙績節級放還仍為本
 道叙錄具名聞奏當議甄獎自用兵已來京畿與鄜
 坊邠寧兩道接界及當路諸縣差使役一作繁併物力
 凋殘若無優矜必難存立其今年夏稅錢及青苗錢
 每貫量放三百文其斛斗量放一半仍為京兆尹差

官子細磨勘其或雖在鄉村不曾經供應者不在準
 例放限仍乙條等第文奏如是分路除就中更校徧
 并者量加優卹必使均平其所放錢及斛斗委戶部
 以實錢之鎮仍令京兆府各下諸縣散榜鄉村要路
 曉示百姓務令知悉用兵已來城鎮曾遭陷沒官健
 百姓因被殺傷親戚既無遺骸在野委所在長吏差
 人為收拾如法埋瘞仍量事致祭应有曾修城鎮添
 置堡候一作戍委所在將帥擇其要害絕彼窺覷切務
 堅完令可固守邊上不許以兵器於部落博易從前
 累有制勅約勒非不丁寧近年因循都不遵守自今
 已後委所在關津鋪切加捉搦不得有透漏其有犯
 者推勘得實所在便處極法其所經過州縣關津鎮

鋪節級痛加懲責議無容貸其間或情涉隱欺準所
犯人處分党項本是邊毗只合州縣撫馭致令一朝
侵叛由於處理乖方既往不可加刑從今必法行令
一作必自此後邊上逐界皆已有制置把捉如或更
有羗寇侵盜即將帥依前貪求當先加罪於本界邊
將然後剪逐寇賊通商之法自古明鬼但使處處流
行自然不煩饋運委邊鎮宜切招引商旅盡使如歸
處除禁斷兵器外任以他物於部落往來博易應緣
徵兵處士馬皆劾勤勞亦已各有賞賜其本道將帥
當積議量加酬獎京畿及廊坊靈監邠寧夏州并涇
州鳳翔振武天德等道自用兵以來人頗勞苦今願
德澤渙及由恩應見禁囚徒擬罪遞減一等唯官典

犯枉法贓及贓中持杖劫人故殺人等不在此限如
有積年逋賊必加徵督不得者委長吏條流聞奏準
格律大功已上親及女婿外甥不許連任自用兵以
來諸道節將及長吏權宜差新表主持公事兵罷之
後理當不然其三族內親并不得令主兵權及充要
職如是元在本軍先充職掌者亦須具名聞奏自用
兵以來科配百姓事取濟辦多出權宜令既罷兵諸
道節度防禦刺史及鎮使等不得更依前妄有科配
仍令各具本管侵害百姓事須釐革者作條件聞奏
自党項擾亂以來所在多被攻劫白刃之不必有孝
子順孫義夫節婦事跡有可稱者委所在長吏察訪
優恤其家仍具名聞奏將加旌異於戲蠻夷猾夏固

有用於常刑撫馭乖方遂致興於薄伐傷夷暴露朕甚愧焉是用覃恩以慰勞瘁布告中外咸使聞知主者施行

大中五年四月廿九日

一作皆唐大詔令

洗雲南山平夏

詔令作平夏

編制

勅平夏南山雖云有異源流風俗本實不殊我國家累聖以來許居內地久奉聲教宜立功勞朝廷撫綏常布恩信近者邊鄙之帥制御乖方遂有兇悍之徒不率父兄之教或侵暴州鎮或攻掠道途告諭罔悛狂狷頗甚朕君臨臣寓添念黎元允曰含生皆同赤子但欲為人除害固非黷武佳兵每觀殺傷深多愍惻是去年洗詔令作特雪平夏驅除南山及聞窮困無携加訓練但知非則赦免不得已而則誅鋹王者之師

義實在此近得敏中狀申南山盡願歸降漉懇輸誠惟思展效請般運糧料乞保護封疆閱其奏章深瀝朕章比者或有剝劫必推南山南山或有寇擾亦指平夏既相非斥互說短長終難辨明祇益讐怨今則並從洗咸許自新但能各務安全遍相勸勉子保其生業絕彼侵農踰從前所有僣違自此一切不問唯監州深居沙塞土乏農桑軍土運詔令作衣糧須通商旅沿路保柵事須修營今委李安業依朝廷制置差兵建等防守猶恐部洛心懷疑慮仍合李安業駐軍塞門朕之屈法後人斯為極矣以若執迷不拜干犯國章後悔難追深宜自大中五年七月十六日

洗滌長慶亂臣支黨德音

編制

門下皇王之令克逆詔令必寘於嚴誅天地之仁含
育亦存乎在宥除惡務絕其本根源情必諒於親踈
慮興註誤之嫌用安反側時舉寬弘之典盡滌瑕痕
追惟長慶之初亂臣賊子之輩人神共憤覆轍不容
頃以論刑是後流竄而東宮親昵之黨亦參帷幄之
謀顧偷冒以取恩陷君父於不義必資懲創以盪姦
源議法當然非朕敢赦而曾不知過交構流言興謗
道途扇惑人聽蓋以前搜補未盡巢穴既虧於國章
而難追並已從別勅處分除竄逐遐荒及配諸陵守
當外應諸惡黨從祖兄弟子壻妻族內外親戚門生
故吏及此來別居并從踈遠苛降德音後一切不問
諸司諸使更不用尋勘務從寬恕俾絕夏疑惟先推

鞠得姓名合流者雖已逃竄如獲日準前勅處分頃
者屢降明詔以順人心重此窳窮蓋非獲已今則更
無餘孽永絕猜嫌攄憤之志既申懲惡之刑亦至乘
春布澤大與惟新明示中外咸知予意主者施行大

八年正月十一日

誅逆人蘇佐明後德音

編制

勅蓋君天下者莫尚乎崇淡泊子困窮遵道以端本
推誠而建一作下故聖祖之誠以慈儉為寶大易明
訓垂簡易之文未有上約而下不豐欲寡而求不給
朕以眇薄遭逢內難刷君父之仇耻攄億兆之哀寃
有一作股肱大臣群卿庶之士引義抗請至于再三
以圖宗社之安以荅華夷之望俯從衆欲夙夜震兢

思所以克已復禮修政安人宵興匪寧肝食勞慮夫
儉過則酌之以禮文勝則矯之以質庶乎俗登太古
道洽生靈儀刑家邦以化天下其在內宮女四字作宮非
田廷取掌者

宜放三千人其中願嫁及歸近親者亦從所便不須

尋問其長春宮摠監及修造等並依本月十三日勅

處分其長春宮見在錢及斛斗絲○席草等約二十

九萬七千五百三十餘貫石兩碩束等依前戶部收

管鄆縣沃波鳳翔駱谷地等並宜卻還府縣其教坊

樂人翰林待招醫一作術管并摠監諸職掌中冗員

者共一千二百七十人並宜停廢其摠監中一百三

十四人先屬諸軍並宜各歸本司餘七百三人勒納

牒身故歸本貫先供教坊衣糧一百分廂家及諸司

新加衣糧三千分並宜停給應緣由獵鷹鷂獸犬

等並宜解放除五坊加配諸鷹鷂等及長慶未每年

常進外宣索者自今以後一切停進其須備蒐狩要

量留田者宜準憲宗朝故事其今年新宣附食度支

衣糧小兒一百人並宜停罷應副別詔宣索纂組彫

鏤不在常貢內者一切並停度支監鈔戶部及州府

百司應供宮禁年支一物已上並準貞元中一作額

為定度之檢勘具元和已來加配合停色數二十日

內分聞奏并撒下州府供司各令知委先造供禁中

林榻以金篋琴瑟雜寶鈿真珠碼碯裝悉宜停造東

頭御馬坊毬場宜却還佐龍武軍其殿及亭子令所
司毀折收掠餘舍並賜龍武軍收管應行從處張設

不得用花蠟結採華飾今年已來諸道所進音聲女

兒一作各賜足來一作帛放歸應城外墳墓先開斷道

以路備行幸處宜令兩軍及府縣曉示百姓任其修

塞其大逆魁首蘇佐明王嘉憲石定寬閻惟直及因

亮賊姦計遂與同謀人留克明田務澄許文端等汙

諸無救梟獍與倫各已處斬並籍沒祆一作妖妄僧人

惟貞正簡道士趙歸真楊冲虛方士李元戢等並咸

假託以醫方疑衆挾姦十一字作或假於卜革矯誣

干禁並從流竄以清京師其情非姦謀一作惡跡涉註

誤者自今已後一切不問兇徒既殄寰宇佇康在舉

令猷用弘庶慎績一作於戲昔漢文惜十家之產而天

下又我太宗文皇帝勤四海之理而帝業昌暨于列

聖罔不承式而歲代滋久訛弊以生仍屢艱故未遑

改作朕祇荷神器重臻大寧將至躬以立訓奚取新

而革故容爾百辟卿士外服其諭朕志永堅乃心無

遲愆而敗度自底身子不類率是敬典用孚于休布

告中外咸使知悉

一作此舊唐書文宗記

居大明宮德音

一作大明宮成
放免因徒等制

蘇頲

黃門朕聞養人者謂之司牧非逸人上事天者謂之

帝皇

一作蓋御乎

一作於

天下故作為棟宇以避燥濕

居於臺榭以順高明斯乃奉時令布政

一作而

也朕

以不德祗膺睿圖寶十家之產愛兆人之力未嘗興

功於土木役思於池隍冀之休又以致雍熙自律應

長羸時方大暑渠雲屢起溫風且至伏以太上皇宴

居珍

一作熙

衛滌慮清閑迹不往於其泉心每期於汾

水朕侍于左右以奉晨夕助玄默之化則虧於聽理

當炎蒸之序又瀆以囂煩惕焉載懷敢忘順色然大

明創兆先聖所營即舊不加因時而往千門萬戶外

雖謂於別宮一日三朝中自連複道下所以寧問安

之懇上所以資習靜之娛實獲我心俾康政理古有服珍裘者則念人之寒居夏屋者則念人之熱况比歲阻飢饉甫田不稔或愚人陷罪圜土稱冤凡厥庶察將何以兩京及諸州宜令長官親理冤獄除犯名教及官典犯贓并緣祿一作妖偽外以餘罪徒以下咸宜放免其有茂才異等拔萃超群緣無紹介久不聞達者咸自令舉朕當親問其應宣撫咸使名聞舉人試第四等宜準舊例別加優獎見任人各量與改轉前資常選人至冬衣選例與處分其未出身者兼一作授散官先以天來軍將押衙官等在陣戰亡者令本軍勘實奏聞其妄說災祥誑惑閭里並令州縣長官等嚴加捉搦仍令御史金吾訪察繩糾有能直

言極諫補朕之闕者各封狀進朕將親覽如有可採當加獎擢其皇親諸親及東宮承優任員外檢試等官近停令至冬處分者有家道貧迫情願外任者亦令所司勘績閱量才注擬其緣坐流人處置有輕重不類者令所司勘會聞奏主者施行開元六年六月八日

一作皆唐大詔令

營興慶宮德音

一作興慶宮或御朝德音

編制

門下朕昔在蕃國此維邨第乾坤未泰陰陽尚蒙則有神物効灵祥符肇既飛嘉一作佳氣於在田之際湧瑞池於或躍之時惟此舊居式加新宇周牆僅板於百堵卑宮不塔於三尺棟梁之用毀撤所餘聊以紀天地之休徵貽子孫之儉約耳屬春令變一作始時

惟發生萬國來朝千官入賀既稱觴以獻壽宜施惠
以布德况農桑一作在候稼穡正兵或凶被囹圄獨
隔陽和之澤或迫於徭役程一作不遂農桑之務言及
於此軫歎良深其徒以不罪且令責保其一作應當
番兵丁匠等灼然單貧者所由勘會並放營農所在
訴訟長官隨事踈理勿使冤滯非軍國所要餘不急
之務一切並停仍加勸課循植農穡其河北水損戶
既屬春事慮有乏絕不支濟者宜委使與州縣相度
量加賑恤諸處行人之家及鰥寡惇獨不能自存者
州縣長官親加優撫使得存濟應有差科量事於放
且宣風緝化賊在令長有司銓藻之次特宜審擇其
才惟德與刑為政之要頃無聞於風化多取威於夏

楚理人之道其若是乎愚昧之流或輕抵犯宜曉諭
使識章程其含生之類不得輒有屠殺天下捕獵亦
宜禁斷仍嚴加捉搦百一作司各遵時令務弘寬大
之典使政理無失稱朕意焉開元二十六年正月二十六日作皆唐大詔令

皇太子納妃德音

二字集
作制

張九齡

勅禮有謹於初義亦重其本凡是姻媾且猶正於人
倫况在元良更將承於宗祀皇太子鳴儲副是屬仁
孝自然爰從吉辰式備嘉禮上事下繼君子重之言
告言歸朕豈無慰非獨在予之慶宜申與衆之澤天
下囚徒死罪特宜放免死配流嶺南遠處流罪降至
徒徒以下罪並宜釋放其造偽頭首勾合知情受偽
人等罪雖徒流仍便隸為百姓至彼勿許東西諸道

征行人家及鰥寡惇獨委州縣長官檢校矜放差科使安其業中間有不支濟者量事賑給仍量助其營種長安萬年兩縣百姓及今月當上曠騎衛士雜匠掌開幕士駕士工人樂人供膳主膳官馬主角弓手等並免其家今年地稅三衛細引飛騎萬騎監門長上及礼生有職掌者各減一年勞在京文武官九品以上見在京外官因公便及當上在京新除五品以上外官未辭并致仕官朝朔望者各賜勲一轉東宮官九品以上及諸司緣礼會祇供官等更加勲一轉五礼使兵部尚書兼中書令蕭嵩特封徐國公禮會使薨門侍郎同中書門下平章事韓休特與三品妃礼會使少府監馮紹正賜紫金魚袋諸副使及判官

更加勲一轉礼官儉者夾侍官及孔自官使典主旌節等選日優與處分伏內馬家內侍省給使教坊音聲人緣太子禮會祇供者各賜勲一轉皇太子舅尚輦奉御趙廻進特與五品仍改與三品官前右威衛騎曹趙廻進特與五品仍改與五品官皇太子侍讀侍書等各加一階其太子諭德潘肅特與五品太子妃凡通事人薛愿特與五品仍改與五品官兄吏部常選怱特與五品仍與五品集作品官今日應預會官等各却級賜物即宜領取宴慰者所以宣其精願賜者所以將其意公卿百辟庶知朕心開元二十一年五月二十一日

優恤德音

門下朕猥集休運多謝哲王然而哀矜之情大小必

慎自臨寰宇子育黎蒸未嘗行極形起大獄上玄降
鑒應以祥和思叶平邦之典致之仁壽之域自今有
犯死刑除十惡宜令中書門下與法官詳所犯輕重
具狀奏聞崇德尚齒三代不易移風勸俗五教攸先
其曾人五品已上清資官以理去戢者所司具錄名
○奏老疾不堪釐務者與到仕祿道士女道士宜錄
宗正寺僧尼令祠部檢校百司每旬体擲假坐不須
親戢事追勝為樂以示內外知脉意焉

開元二十五年正月

誅張韶德音

編制

韶令作
常處厚

勅朕祇荷大構屬當冲眇九廟之嚴因予以輕重四
海之大由我而慘舒每懷推誠不敢自用大布利澤
嘉聞讜一作言庶懋尤以享重負尚慮一作信不及

物德不動天少一作懷宴安遽此致寇逆賊張韶蘇
玄明等驅率工徒劫携兵刃白晝竊發暴犯宮闈震
驚朕躬近禁壘即時勒五營騎士七萃熊羆少命偏
師總分左廣皆憑忠奮發賈勇爭前自申及酉撲滅
皆盡斯實上玄降鑒宗社垂休愍予冲人俾無顛覆
其兩軍立功將士已擲級優賞將諸校是一作日倍
領軍士者委有司即條流甄獎具名聞奏其逆賊親
屬除同居知情之外一切不得輒更追擾尚慮一作
因緣雠隙告許平今自日已後從為祇所一作黨所
所一作註誤者切許其自新更不須勘問於戲秦皇
車碎於博浪漢高心動於栢人或悟而終亡或自
新而流祚齊晉多難以啓國衛邢無難而喪邦蓋緣

謂一作憂勤則福興安肆則禍稔天其意者警於予乎
而今而後知玄貺可以德歸神器難乎力恃咨爾股
肱輔臣庶寮百郡泊方郡侯伯有位之士無或棄吾
一作謂不可教其迺違傷理狗慾懷安面刺廷攻無
有隱諱成王之紹文統武帝之開高業皆莅祚日永
一作享國歲深夫豈他哉蓋大臣維之而不跌也使
朕差並於二主者繫爾多士乎布告天下咸使聞知
長慶四年四月三日
一作皆唐大詔令

唐書通鑑並作四月丙申誅張韶蓋七月也

英華作三日未詳

文苑英華卷第四百三十九 登任即胡柯 鄉貢進士彭叔夏校正

文苑英華卷第四百四十 翰林制詔二十一

德音七

雜德音一

貸逃背征役德音

編制

門下朕祗膺靈命君臨寓縣詔令作區字承凋弊之餘極

橫流之難雖復蠲除徭賦督課耕農安集黎元與之

休息然而鯨鯢未剪四海多虞師旅荐興事不獲已

及其士卒浮情苟永逸樂憚於征役離其營伍因此

逃竄潛匿崎嶇盜竊為資規免朝夕良由勸勵不明

部置失所弛慢之責在於朕躬琴瑟不調已云變革

多墜形網情實一作兼悼宜從寬宥許以自新其義士

募人有背君逃亡者自武德二年十月十二日在官

司隨事朕給非素厲難以應敵設法垂憲期於不犯
自今以後有背軍鎮征役者隨即科處必無容貸宜
明宣告咸使聞知 武德二年十月

原宥代州德音

詔令作宥劉武同餘黨詔

同前

門下祝網泣幸章乎舊典赦過宥罪著自前經往者
劉武周竊據邊陲擡逼良善石領以北皆罹其弊雖
復武周奔竄寄命蕃夷而殘黨餘氛尚懷旅拒致使
朔漢猶警閔塞未寧屢動干伐久違聲教代州總管
定襄王大恩勤績克著安輯邊境討擊未賓率其從
化朕君臨天下義存撫育念彼凋弊若納諸隍但朔
代黎元送命日久今雖歸附仍屢詔令反側其代州
總管府內石領以此自武德四年二月二十九日以

前所有愆犯罪無輕重悉從原宥可並令安居復業
勿使驚擾 武德四年二月

恤刑慶賜德音

詔令作孝義高年粟帛詔

同前

又見太宗實錄

門下百行之本要道唯孝一言終身恕而已矣春生
夏長寬仁實錄作簡之令行焉齊禮道德恥格之義

斯在朕爰自幼年夙稟庭訓豈徒學聞詩禮因令匡
定家國實錄作是以提三尺之劍起一旅之師戮鯨

鯢於原野擾

實錄作妖

蒸黎於塗炭雲雷締構備嘗夷險

仁發於心義形於色大敵必勇匪為身謀大慙必誅
志安天上大上皇留情姑射尚想軒轅駐蹕大安使
朕正居紫極顧惟虛薄辭不獲免祇奉制詔負宸當
朝乃眷宮宇載懷冰谷未明永衣乙夜忘寢靜思七

政言念九功何以答上玄之心稱嚴君之志庶欲勤
恤典刑舉直措枉允釐人瘼親賢用能極濟困窮抑
損澆偽開直言之路廣不諱之門聞所未聞日慎一
日望人皆見得變於至道若一物失所一人有惡則
朕躬之責實錄有訓道不明也朕聞書曰至誠感神
况於兆庶乎比聞遠近黔黎恥為盜賊州縣囹圄多
並空虛豈由德教至此自是人知厭亂因其遷善可
以化之朕往因征伐行天下多矣每見村落丘墟未
甯不撫膺歎息自登九五不許橫役一人唯冀遐迩
休息得相存養長育詔令有序敬讓與行其孝義之
家賜粟五石高年八十以上粟二石九斗以上三石
百歲加絹二疋婦人正月以來生男者粟一石鰥寡

惇獨不能自存兆户初还交實錄無糧貯州縣長官

量加賑恤詔令諸州官人或正直廉平刑清訟息實錄

作簡或貪婪貨賄害政損人宜令都督刺史以名封進

白實錄屋之內閭閻之人但有文武材能灼然可取

或言行忠謹堪理時務或在昏亂而肆情遇太平而

克已亦錄名狀與官人同申泣幸慎罰前王所重在

繫一日事等三秋州縣法司特宜存意普告天下知

朕意焉貞觀三年四月

養老德音

詔令作大上康復詔

同前

門下書不云乎一人有慶兆民賴之朕虔奉大安慶
敬崇極日嚴之養祇慄斯在近日聖躬遠豫寢膳有
虧憂懼在懷不遑寧處博求醫術備盡蠲瘵祈告明

虛具陳懇篤上玄降福遂蒙昭祐應時康愈萬福咸
宜喜幸之陵實兼家國思班愷樂洽于鄉士然而常
齒崇孝德教所先饗餼是加義超常等諸州都督刺
史及文武官人老人八十已上并孝子旌表門閭者
並宜鄣級賜物以神饗宴庶使萬國之內同此歡心
施于四海皆知朕意 貞觀四年七月

優獎大原勳舊德音

詔令高祖山陵畢賜元從功臣及營奉有姓恩澤

同前

門下高祖大武皇帝天縱神武膺錄受圖可久之德
格乎區宇敷睦九族協和萬邦賢能必進德化潛洽
革百王之弊興三代之風地平天成邇安遠肅至德
被於四海休烈光於千載魏：蕩：無得而稱焉朕
嗣膺寶位夙夜兢惕思述先志被之率土其內外姻

戚平生故舊大原元從官人及歷試之所文武寮佐
受泊胥吏往雖每降國恩恐未周悉或才用不申階
品屈滯或家道貧匱子孫沉淪須有矜量咸使得所
先朝憂勞庶政唯以恤民為本諸州都督刺史政績
可稱者具以名聞奏其諸州百姓營奉山陵者宜量
與詔令蠲免可令所司詳為條例聞奏並務從優厚
稱朕意焉 貞觀九年十一月

嗣聖德音

後篇題作發宣無使勅

同前

門下昔者明王之御天下也內有公卿允釐庶績外
有侯伯司牧群黎有懼至道不淳淳風或替故有巡
狩之典黜陟幽明行人之官省方察俗用能遐迩咸
又遂性情為無遺於變時雍率其道也朕祇膺嗣德

恭守帝圖上稟過庭之訓下憑庶士之力竭精思理
兩載于茲冀逮小康漸躋至化而區宇遐曠風教未
周負宸長懷責深在已近者姦回構釁禍起蕭牆宗
社降靈應時臧殄今又恭承聖訓總統大猷率彼百
官齊茲七政怒倉廩不實禮節未興吏靡息於貪殘
人或滯於幽枉永言於此明發疚懷今卜征未習時
邁仍遠宜分命輜軒慰撫黎庶畢構等並操履公清
識見明允茂績彰於歷試嘉譽滿於周行宜膺行李
載光原隰所至之處申諭朕心並令屏絕浮華敦崇
仁厚務修孝悌勤事農桑耆老鰥惇征人家口不自
存者咸加恤問德卒言揚唯賢是急若有良材異等
藏器下僚哲人奇士隱淪屠釣審知才行灼然者各

以名聞凡百牧宰泊乎吏人咸悉朕心各敬迺事勤
則不匱仁遠乎哉勉矣昂之以副朕意

先天二年七月

歲初慶分德音

張九齡

勅天地以大德育群生

詔令作
住群

聖人以大寶守萬物

古者受命之君謂之承天之序明有初代夫豈徒然
若道無欽崇命不永保帝實臨汝人曷載君朕所以
每斯庶乎合於仁覆之意也夫宓犧神農黃帝堯舜
或誅而不怒或教而不誅彼亦可為獨臻于此朕自
有天下二紀及茲雖未能衣以禁亦未嘗刑人於市
而政猶躋駮俗尚澆醜當是為理之心未返於本耳
凡人豈不仁於父母兄弟不欲於飲食衣服乎而卒
被無孝友之名不溫飽之困其故何哉蓋未聞義方

不識善道或任小智而為詐或見小利而苟得致遠
則窮繼之以暴已而身受戮辱家不相保愚妄之徒
類多自陷欲訟之弊恒由此作吁可悲乎亦在教之
不明也蓋刑罰者不獲作認已而用之天下黔黎皆
朕赤子以誠告之示其或知歸何必用威然後致理
先務仁恕寧不懷之且五常循或作行豈須深識六
親和睦何待丁寧自宜勉之以副所望刑措不用道
在于茲今獻歲之吉迎氣伊始敬順天常無違月令
所由一作長吏可舉舊章諸有姬伏孕育之時物蠢
動生植作認之類慎無殺法致令夭傷九土異宜三
農在候聚興役妨時害功特宜禁止以助一作春事
至若家有征鎮人或孤惇物向陽和此獨憂悴良可

憫也亦令所由一作隨事優恤蓋不體仁無以為長
不知道無以用心故道者衆妙之門而心者萬事之
統得其要會義可以兼濟於人失其指歸生不能自
存全於已故我玄元皇帝著道德經五千文明乎真
宗致於妙用而有位者未嘗作認之講習不務清淨集
靜欲令所為之正作認政教何從而至于太和者耶百
辟卿士各須詳讀勉存進道之誠更圖前席之議至
如計校小利綜緝煩文邀名且行去道弥遠違天和
氣生人怒心朕甚厭之所不敢也各勵精一共與玄
化俾蒼生登於仁壽天下還於淳朴豈遠乎哉行之
可至其老子道德經宜令士庶家藏一本仍勸習讀
使知指要每年貢奉人量減尚書論語一兩道策準

數加老子策俾敦崇道本附益化源朕推誠與人
此教誠必驗行事豈垂空言今之此勅亦宜家置一
本每須三省以識朕懷

開元二十二年
正月一日



文苑英華卷第四百四十



程